


社320
83



八旗通志初集卷之二百二十四



忠烈傳五

鑲白旗滿洲官員

和羅 孫鄂錫

敦達禮 弟之子噶爾哈圖

肫泰

巴薩禮

格紳 弟之子花善

沙海 僧喜

納密達

弟和託 薩穆哈 薩穆哈子哈積 大族弟庫尼雅 傳達禮 庫尼雅子哈席里

額塞

袞布

漫羅

塔海 子色赫

扈習 兄杜喇式 弟之子占代 齊蘭布

多羅岱 兄之子沙賴 族人伊塞爾圖

常綬 海度 薩爾泰

吳魯里 尹德 尹塔錫

翁愛 額護德 郭渾

劉住 稀代 羅多渾 應格里

阿哈里 何和禮 薩圖 查付塔

德克 牛紐 喜保 拜思虎朗

劉錫 薩杜護 圖禮 伊爾格納

渾親 子魯爾金 鄂羅順 佛喀

阿爾蓀 明阿圖 安泰

蓋桑阿 漢楚翰 長壽 賽音布祿

覺羅薩敦 鄭德 和善 陳達

關西 衆神保 常舒 貝和諾 法寶 馬

蘇敏 巴保住 丹岱 伍納海 伍林泰

和倫泰 關泰 蘇丹 見名臣吉蓀傳下

邁圖 伊成格 見名臣吳丹傳

噶布喇 見名臣哈寧 吉布克達 見名臣季思

穆虎 納岱 見名臣朱瑪喇傳

郭色 佟濟 見名臣鄂屯傳

尙機圖

見名臣車克傳

赫特赫

見名臣喀爾塔喇傳下二人同

赫虎

奇留

馬爾圖

見名臣鄔庫禮傳

喜福

見名臣吳巴海傳

海喇布

見名臣達克沙哈傳

訥青

見名臣艾松古傳下同

巴克塔

濟哈里

見名臣葛思特傳

阿爾篤

見名臣寶色傳

覺和託

見名臣張庫傳

莽色

見勲臣叟根傳

顧思塔

見勲臣雅爾納傳下同

布思塔

西巴里

見勲臣石圖傳

阿哈納

見勲臣吳魯哈傳

拜三

見勲臣科啟納傳

孟格圖

見勲臣衛美傳

拴住

見勲臣祁克善傳

那爾泰

見勲臣鍾內傳

和羅滿洲鑲白旗人。姓伊爾根覺羅氏。世居住
渾地方。初任牛录章京。屢從征伐。

太祖高皇帝丁未年九月。隨大兵征輝發。力戰陣亡。贈
半個前程世職。以其孫鄂錫襲。康熙十三年。逆
藩吳三桂據雲南反。四川文武官降賊。鄂錫隨
定西大將軍貝勒董額。由陝西進征。至秦州。城
內賊兵。與四川來援之賊。水陸並至。夾攻我師。
鄂錫力戰。亦亡於陣。加贈世職。爲拜他喇布勒

宗文哈番。改封其貝勒。計前免貴餘八口。十三氏崇

敦達禮。滿洲鑲白旗人。姓郭爾羅斯氏。世居沾

河。自幼爲

太宗文皇帝近侍。甚見親信。前後賞給人口十三戶。崇

德元年。肅親王豪格分封。豪格爲

太宗長子。特遣敦達禮輔之。諭曰。汝自幼隨我。其誠心

輔佐王。王有過失。汝須諫勸。於是。賜以牛录章京職。

俾掌管親王府事。敦達禮秉性忠直。遇事勸諫。

偶有不聽。據實陳奏。請還爲內侍。

太宗卽召王温旨開導。隨親解御衣一襲。賜敦達禮。仍

令從王。八年。

太宗賓天。敦達禮服朝衣哭踊。匍伏叩首。請以死殉。諸

王等不允。咸謂爾旣奉

命事肅王。何必如此。飭章京甲兵善爲防守。敦達禮泣

曰。我自幼蒙受

主恩特渥。且從前曾面奏

大行皇帝誓以死殉。是時侍從諸臣。如那木達等。皆親

聞此言。若違初心。是以虛言誑

主也。任加防守。我意已決。諸王大臣見其心誠切。不可

挽回。乃令吳達海貝子阿兒革圖送還其家。敦

達禮遂於蒙古帳房內從容自經。時崇德八年

八月十五日也。事聞。奉

八旗通志 卷三十四 五
旨諭禮部祭奠。工部營葬立碑。賜其子鄔赫阿達哈哈番世職。永免徭役。順治十三年五月。

賜諡忠毅。併勅照阿思哈尼哈番品級。改立二等碑。康熙二十一年。

聖祖仁皇帝詣盛京謁

陵。遣大臣照功臣例至其墓奠酒。敦達禮之弟達拜。以從殉肅親王。贈三等阿達哈哈番。見孝義傳。噶爾哈圖。達拜之子也。順治八年。襲父世職。九年。遇

恩詔。加爲二等阿達哈哈番。十三年。從征逆藩耿精忠

至浙江。十月。隨平南將軍賴塔。擊僞都督周烈兵於衢州府鷺鷥村。敗之。又於紅橋黃潭口。望霧山。打鐵村等處。奮擊賊兵。俱敗其衆。又敗僞兵曹閔可孝。僞守備趙深等於夏口。十五年。從都統喇哈達至福建。擊海寇僞都督徐耀兵於烏龍江前小門山。及鎮峯山嶺。又破僞總督興明伯趙得勝。僞將軍何猷等於太平山。毀其二十六營。追至城下而還。又從攻何猷於泉州府。克之。復敗其潰卒於江沿。十九年。敘功。加授一等阿達哈哈番。

八旗通志 卷三十四
肫泰。滿洲鑲白旗人。姓薩克達氏。世居商堅哈達地方。天聰三年。從征明北京。首登邊城有功。征大同時。同本固山兵另攻一土堡。又首登焉。至深井。復首先登城。遂戰歿。贈牛录章京世職。子葉爾蘇襲。累官至

盛京副都統。

巴薩禮。滿洲鑲白旗人。姓瓜爾佳氏。世居吳蜚宜地方。初管牛录事。天聰七年。同艾松古率擺牙喇兵十人。西向躡明兵踪跡。遇明哨卒四人。殺三人。獲馬五匹。生擒一人來獻。

太宗文皇帝卽以其所獲馬賞之。順治十一年。隨寧海

大將軍固山額真宜爾德。征浙江舟山。擊偽總制陳六御。同委署叅領伊爾特赫。敗賊有功。尋駐防江寧。十六年。海賊鄭成功來犯江寧城。巴薩禮力戰陣亡。十八年四月。議卹。贈拜他喇布勒哈番。以其子色德立襲職。

賜祭葬如典禮。

格紳。滿洲鑲白旗人。姓伊爾根覺羅氏。世居察爾吉地方。初任牛录章京。天聰八年。從征瓦爾喀。獲丁壯五十人。崇德五年。隨征明。同胡沙擊

八旗通志 卷三十四
明錦州松山馬兵。敗之。七年圍松山城。城內兵出犯正黃旗蒙古所守汎地。率本牛彖兵擊却其衆。城內兵又來犯本固山所守汎地。復擊敗之。順治元年。隨定國大將軍豫親王多鐸南征。師至潼關。流賊夜犯我蒙古固山汎地。率本牛彖兵往援。敗其衆。潼關山上賊復來犯。又敗之。連擊流賊第一營第二營。俱有功。二年攻揚州府城內兵來犯。擊敗之。所至捉生逐哨。生擒二人。斬十一人。三年五月。授半個前程。七年九年。三遇。

恩詔。加至三等阿達哈哈番。後緣事降拜他喇布勒哈番。十一年。隨寧海大將軍固山額真宜爾德征舟山。擊僞英毅伯阮思等。同委署燾章京尼雅達。屢敗之。併獲賊船。十四年。由拜他喇布勒哈番。加一拖沙喇哈番。十六年。從征福建攻廈門。敗海寇鄭成功。於澄浦魯。轉戰逼廈門岸。仰攻中傷歿。康熙二年正月。加贈二等阿達哈哈番。以其弟之子護什塔襲。又有花善者。亦格紳弟之子。初任佐領。康熙十三年。從征逆藩耿精忠。至江南赤陡關。有賊二千拒敵。擊敗之。至江西

南康府有賊四千逆戰。復敗之。又隨安南將軍舒恕。敗賊於吉安之惶恐灘。進至南康縣。敗偽提督顏子明。偽將軍張郭年兵。十六年。隨鎮南將軍莽依圖等征廣東。至韶州府城。擊敗偽將軍馬寶等兵。至廣西。敗偽將軍范齊韓。詹仰。於陶屯。十九年。從征南大將軍賴塔。進雲南。征逆孽吳世璠。奪黃草壩。乘勝進抵雲南省城。並有事有功。二十五年。議敘。授拜他喇布勒哈番。

沙海。滿洲鑲白旗人。天聰八年。隨大兵征明。至大同。率本旗兵別取山城。先衆登之。又進取小

石城。繼顧克禪以第二人躍入。論功。授半個前程。崇德元年。隨大兵征朝鮮。率兵丁取草。遇敵兵來戰。歿於陣。同旗有名僧喜者。隸王府包衣。初為撥什庫。崇德元年。隨大兵征明。攻順義縣。先衆登城克之。

賜號巴圖魯。授牛彖章京世職。二年。亦以隨征朝鮮。戰

於桃花山村。被創。歿於陣。由牛彖章京世職。加贈半個前程。以其子僧珠襲。

納密達。滿洲鑲白旗人。姓索綽羅氏。世居吉林吳喇地方。天聰八年。從大兵征明。攻雄縣。梯城

首登。崇德元年十一月。授牛彖章京世職。又隨征朝鮮。攻皮島。首先渡海。後隊未至。登岸而戰。遂歿於陣。二年議卹。由牛彖章京世職。加贈半個前程。以弟和託襲職。和託亦以從征烏龍江陣亡。以和託兄羅薩襲牛彖章京。兼半個前程。卒。以羅薩叔父之子薩穆哈襲。順治七年。九年。三遇。

恩詔。加至一等阿達哈哈番。十一年。薩穆哈從征福建。聞賊首袁陶在福州。遂同尚書譚拜等率兵乘船前往。遇賊馬步兵。薩穆哈率兵十名乘船先

進。擊敗之。十二年。從靖南將軍朱瑪喇征廣東。至新會縣。擊偽安西王李定國有功。十三年閏五月。由一等阿達哈哈番加一拖沙喇哈番。薩穆哈子圖克善。哈積大。二人。圖克善。仕至正藍旗滿洲副都統。哈積大。初任佐領。康熙三十五年。隨撫遠大將軍伯費揚古。征厄魯特噶爾丹。由西路前進。射敗賊兵有功。授拖沙喇哈番。有庫尼雅者。納密達之族弟也。初任壯尼大。歷陞擺牙喇甲喇章京。崇德八年。隨奉命大將軍貝勒阿巴泰。征明攻霸州。以第四人登城克之。順

治六年。隨鄭親王濟爾哈朗征湖廣。有賊二隻。虎袁宗第據江口以阻我師。庫尼雅同圖納步戰破之。又連敗僞李總兵於便水河岸。二隻虎退據烏撒。隨噶布什賢噶喇昂邦努山往勦。賊三面逆戰。俱擊敗之。奪門而入。遂克其城。時有僞馮總兵率馬步兵三千餘拒戰。庫尼雅同噶布什賢章京白爾黑圖敗之。十二年。隨寧南靖寇大將軍陳泰征湖廣。僞安南王劉文秀遣僞將軍盧明臣與國侯馮雙禮攻岳州武昌。庫尼雅與甲喇章京羅和設伏河岸。賊至擊敗之。僞王都督又乘船百餘隻列陣來戰。復敗之。論功授拖沙喇哈番。十五年。從征貴州。敗僞侯李成蛟兵於涼水井。又敗僞晉王李定國兵于魯岡。康熙三年。流賊李來亨擁衆據茅麓山。庫尼雅隨靖西將軍穆里瑪定西將軍圖海往攻。三敗其衆。進至門下戰歿。加贈拜他喇布勒哈番。又一拖沙喇哈番。

賜卹銀六百兩。予祭如典禮。又

特遣官致祭。修墳墓。以酬其功焉。又有傳達禮者。亦納密達族弟。康熙十三年。以七品官從征逆藩吳

三桂。至江西吉安府。擊僞總兵彭新進。副將李漢白。賊衆萬餘。大破之。進至安福縣。遇賊三千餘。奮勇進擊。陣亡。卹贈拖沙喇哈番。庫尼雅子哈席里。初亦任七品官。康熙十三年。隨定國將軍希爾根等。征逆藩耿精忠。至江西。擊敗僞總兵唐培生等於勞庄地方。十七年。隨鎮南將軍莽依圖。征逆藩吳三桂。至廣西。敗僞將軍吳世琮等於新村西山。十八年。至柳州。敗僞將軍詹仰等於陶屯。十九年。隨征南大將軍賴塔。征逆孽吳世璠。敗僞將軍何繼祖等於黃草壩。又敗

僞將軍胡國柄等於雲南城。外。並在行間有功。授拖沙喇哈番。

額塞。滿洲鑲白旗人。姓納蘭氏。世居葉赫地方。崇德三年。從征明。乘夜用雲梯襲攻吳橋縣。繼偏珠以第二人登城。四年。議敘。授半個前程。六年。圍明錦州。擊松山馬步兵。敗之。順治二年。從定國大將軍豫親王多鐸南征。平定淮安。敗敵兵於黃河淮河之間。僞軍門田仰率兵八千餘。駐札三里橋。額塞同梅勒章京譚布進擊。敗之於海安。又同甲喇章京俄奇爾。納林。屢敗田仰

步兵於湖口橋。進至如臯縣。同梅勒章京康喀爾敗賊五千餘。有僞高副將馬兵三千駐鶯台山島。卽同甲喇章京格爾圖往擊敗之。尋從征福建。擊敗黃總兵。五年。從征江西叛鎮金聲桓。遇郭總兵步兵三千。同署甲喇章京根特巴圖魯連敗之。賊渠王得仁。率馬步兵七千。來犯鑲黃旗汛地。同署甲喇章京阿玉璽擊却其衆。七年。

恩詔。加世職爲拜他喇布勒哈番。九年。

恩詔。加一拖沙喇哈番。尋敘從前軍功。加授三等阿達

哈哈番。又遇

恩詔。加爲二等阿達哈哈番。世襲罔替。十年。從征湖廣。於衡州擊賊陣亡。加贈一等阿達哈哈番。子滿塞襲。

袞布。滿洲鑲白旗人。姓吳扎拉氏。世居撒哈連吳喇地方。初爲

太宗文皇帝近侍。崇德三年。隨揚威大將軍貝勒岳託。證明。攻欒城縣。首先登城。歿於敵。

賜號巴圖魯。贈牛录章京。世職。以其子賈勒蓋承襲。漫羅。滿洲鑲白旗人。姓戴嘉氏。世居杭佳地方。

初管牛彖章京事。崇德三年。隨揚威大將軍貝勒岳託。征明北京。遇明太監馮永盛兵。擊敗之。又敗明侯總兵。至豐潤縣附近取草。敵兵來犯。遂下馬力戰。歿於敵。四年。贈牛彖章京世職。以其子馬爾機喇承襲。鄂羅亦漫罷子。順治十二年五月。任三等轄。十六年九月。陞至一等。又以勤勞効力。授拖沙喇哈番。康熙四十年。擢孝陵散秩大臣。加四級。病卒於官。

塔海。滿洲鑲白旗人。姓伊爾根覺羅氏。世居長白山地方。初管牛彖章京事。隨大兵攻松山。力戰陣亡。卹贈牛彖章京世職。以其弟庫巴海襲。庫巴海卒。子色赫襲。順治七年九年三遇。

恩詔。加至二等阿達哈哈番。尋以從征雲南有功。加爲一等阿達哈哈番。

扈習。滿洲鑲白旗人。姓趙佳氏。世居瑚布察地方。崇德三年。隨貝勒杜度。征明。攻寧海州。首先登城。因後繼無人。遂戰歿。八年十月。贈牛彖章京世職。以其兄杜喇式襲。順治元年。杜喇式隨睿王多爾袞。入山海關。擊流賊馬步兵。同甲喇章京鄔庫禮。敗之。三年。敘功。加半個前程。七年。

九年三遇

恩詔。加至一等阿達哈哈番。康熙七年卒。有占代者。扈習弟之子也。康熙十四年。以委署章京。隨平西大將軍貝勒董額征逆藩吳三桂。由陝西進兵。敗僞將軍吳之茂於秦州。十七年至湖廣。隨安遠靖寇大將軍貝勒尚善。分兵取岳州洞庭湖。屢戰屢捷。二十年。隨定遠平寇大將軍貝子章泰進征雲南。敗僞將軍胡國柄於歸化寺。雲南平。因議敘功牌未及世職。

聖祖仁皇帝特授拖沙喇哈番。又有弟之子齊蘭布。亦以從征雲南有功。授拖沙喇哈番。扈習弟之孫有生保者。初任叅領。康熙三十五年。大兵征厄魯特噶爾丹。生保隨撫遠大將軍伯費揚古。由西路進剿。至昭莫多。擊賊有功。授拖沙喇哈番。多羅岱。滿洲鑲白旗人。姓吳扎拉氏。世居黑龍江寶汶村。崇德八年。隨奉命大將軍貝勒阿巴泰。征明攻霸州。首先登城。戰歿。贈牛条章京世職。以兄之子沙賴襲。順治七年。九年。三遇

恩詔。加至二等阿達哈哈番。十年。沙賴從征湖南。敗賊孫可望馬步兵於岔路口。十八年。從征山東。有

八旗通志 卷二十四
五
賊首蔣靜剛率賊二萬。在鋸齒牙山巖上砌築
墻梁。率本甲喇兵擊敗之。康熙十七年。從征逆
藩吳三桂至湖廣。僞將軍李之鳳等。率船數百
隻來戰。沙賴以舟師擊敗之。又擊僞總兵蕭復
成等於君山。奮勇進戰。遂歿於陣。十八年。議卹。
加贈一等阿達哈哈番。以其子阿雅納承襲。
嫩兌。滿洲鑲白旗人。姓吳扎拉氏。世居黑龍江
薩爾察地方。初任驍騎校。順治十年。從征湖南。
擊賊孫可望於岔路口。力戰敗之。十一年。隨寧
海大將軍固山額真宜爾德。征浙江舟山。與僞

英毅伯阮思水戰。兩敗其衆。以功授拖沙喇哈
番。十六年。從征福建。破海賊鄭成功於澄浦。梟
奪僞都督陳輝所乘船以還。康熙十三年。隨康
親王傑書征逆藩耿精忠。至浙江溫州府。僞將
軍曾養性。祖洪勳等。率賊四萬分八隊。水陸並
進。乘夜來襲我營。嫩兌奮勇衝入賊陣。再戰再
出。腰被鳥創傷。仍裹創進擊。大敗賊兵。次日創
痛甚。不能起。遂卒於軍。十七年。骸骨至京。

賜祭葬如典禮。二十五年。議卹。加贈拜他喇布勒哈番。
伊塞爾圖者。嫩兌之族人。初任噶布什賢壯。

八旗通志 卷一百二十四
尼大駐守荊州。遇僞王總兵等率衆來犯。同噶
布什賢轄阿思哈擊敗之。尋移駐澧州。有把總
張昂叛。領兵往剿。擊敗其衆。順治十六年。隨定
遠大將軍世子濟度。征福建海寇至廈門。同噶
布什賢章京佟濟。擊鄭成功於澄浦畧。敗之。又
斬僞林叅將。獲其乘船。及僞印一顆。復與賊戰
於蓋峙山。陣亡。贈拖沙喇哈番。以其子劉住襲。
又有阿顏圖者。亦喇兌族人。崇德三年。從征明。
用雲梯攻南皮縣。奮勇繼多格梭里登城克之。
授半個前程世職。順治四年卒。子傳達襲。七年

遇

恩詔。加授爲拜他喇布勒哈番。傳達卒。無嗣。以伯父之
子尼都勒襲。後尼都勒從信郡王多尼征雲南。
攻取沅江府。又從順承郡王勒爾錦征湖廣。擊
賊於南漳縣。太平街等處。俱在事有功。病卒。子
佛岳保。仍襲拜他喇布勒哈番。

常綬。包衣鑲白旗人。初任四品官。順治十一年。
隨寧海大將軍固山額真宜爾德。征浙江舟山。
康熙十三年。復從征逆藩耿精忠。至浙江義烏
縣。擊僞龔都督。僞王總兵。敗之於山坑嶺。又敗

之於江花寨。進至紅橋。破賊二千餘。僞都督周烈。僞總兵桑明。在衢州府屬鷺鷥村河岸拒戰。常綬隨官兵奮擊之。大敗其衆。又敗僞吳總兵。僞兵曹閔可孝等兵。僞總督興明伯趙得勝。僞將軍何猷。在太平山扎立二十六營。又自西白木山馬步兵萬餘來犯。常綬隨官兵分路進擊。被創卒。從優贈拜他喇布勒哈番。兼一拖沙喇哈番。以子席特庫襲。

海度。滿洲鑲白旗人。姓舒書覺羅氏。世居長白山地方。初管牛录章京事。順治十五年。從征貴

州凱還。至江寧。會海賊鄭成功等破鎮江瓜州。徑圍江寧。海度隨官兵協同江南兵擊敗之。康熙十三年。從征逆藩耿精忠。僞葉總兵。僞副將馬思等。率賊二千。在浙江臨善村拒戰。率本甲喇兵擊敗之。僞將軍馬九玉等。率賊五萬。在九溪遷木山扎營。遣僞總兵桑明等。以馬步兵二萬來犯。海度隨官兵進擊敗之。復敗遷木山賊衆。連次擊山南面北面賊。俱敗之。僞將軍馬九玉。親率賊衆渡江來犯。復隨官兵進擊。敗之於北原口村。又擊賊於小門山。鎮峰山。太平山等

處屢戰皆捷。十五年。進至福建。僞將軍吳淑率海賊陳於泉州江岸。隨官兵擊敗之。又敗賊兵二千於半山地方。海賊僞將軍劉國軒等率賊萬餘來攻海澄。海度奮勇與戰。遂歿於陣。二十六年二月。贈拜他喇布勒哈番。兼一拖沙喇哈番。子常生襲。同旗有薩爾泰者。姓索綽羅氏。世居吉林吳喇地方。亦以康熙十五年從征福建。擊海寇僞將軍劉國軒等於海澄縣。力戰陣亡。卹贈拖沙喇哈番。

武魯里。滿洲鑲白旗人。姓瓜爾佳氏。世居姚家屯。順治十五年。以護軍校從征貴州有功。授拖沙喇哈番。康熙十七年。隨征逆藩吳三桂。至湖廣永興。與僞將軍馬寶。胡國柱。戰於沿山嶺。陣亡。加贈爲拜他喇布勒哈番。以其子阿爾賽襲。同旗有護軍校尹德。亦於康熙十七年從征湖廣。擊賊於沿山嶺。力戰陣亡。

尹塔錫。滿洲鑲白旗人。姓伊爾根覺羅氏。世居沙布灘地方。順治十五年。以委署壯尼大。從信郡王多尼征雲南。擊僞侯李成蛟於涼水井。敗其馬步兵。再擊僞晉王李定國兵於雙河口。步

戰破之。賊復以繩繫軍士。列火器來犯。又擊敗之。追至魯岡磨盤山。並進戰有功。因授拖沙喇哈番。康熙十五年。以委署叅領。從征逆藩吳三桂。至江西吉安府。與賊戰於陳家山。歿於陣。加贈拜他喇布勒哈番。

翁愛。滿洲鑲白旗人。姓吳爾達氏。世居吉林。吳喇地方。初任壯尼大。順治十五年。從征雲貴。兩敗李定國。康熙三年。從征流寇李來亨。至湖廣。於茅麓山。連次破賊。並敗其自宜都縣來拒之兵。進至彝陵。戰歿於陣。卹贈拖沙喇哈番。以其

子卓色襲。同旗有五品官額護德。亦於順治十五年。從征雲貴。擊敗李定國有功。康熙三年。從征湖廣。擊茅麓山賊。以力戰陣亡。卹贈拖沙喇哈番。又有護軍校噶達渾。姓伊爾根覺羅氏。世居長白山地方。以從征湖廣。至彝陵。擊賊首王輔奇。左肘中鳥鎗。傷發卒於軍。亦贈拖沙喇哈番。

簡泰。滿洲鑲白旗人。姓托立氏。世居撒哈連吳喇地方。順治十五年。隨信郡王多尼。率師往征雲南。擊敗僞侯李成蛟於涼水井。又敗僞晉王

李定國於雙河口。簡泰並在事有功。進至魯岡地方。奮勇擊賊。中鳥鎗。遂歿於陣。贈拖沙喇哈番。以其子松三襲。同旗有護軍校名郭渾者。亦以從征雲南。至橫州陣亡。

劉住。滿洲鑲白旗人。姓富察氏。世居蜚悠城地方。順治十六年。以委署壯尼大。從征福建海寇。賊渠鄭成功。列戰艦六百餘艘於浦澄畧。拒敵。劉住隨噶喇昂邦吳沙奮勇前擊。奪其船。轉戰逼廈門。陣亡。康熙二年。議卹。贈拖沙喇哈番。以其弟春拜襲。同旗有壯尼大稀代。亦於順治十六年。從征福建。擊海寇鄭成功。於廈門。力戰歿於陣。卹贈拖沙喇哈番。

羅多渾。滿洲鑲白旗人。姓薩密喇氏。世居黑龍江圖喇村。初任護軍校。順治十八年。隨定西將軍公愛星阿征雲南。進緬國。至阿娃城。獲偽桂王。在行間有功。康熙十七年。從征逆藩吳三桂。至湖廣。擊賊偽將軍吳應麒。廖進忠等於岳州。力戰陣亡。卹贈拖沙喇哈番。以弟之子臘巴襲。同旗有應格里者。姓薩克達氏。世居綏汾地方。初任驍騎校。亦於康熙十七年。從征吳逆。至湖

八旗通志 卷一百二十四
廣。擊僞將軍吳應麒。廖進忠等於岳州。應格里奮勇擊之。身被數創。二十五年。劄發卒。授拖沙喇哈番。

賜祭一次。

阿哈里。滿洲鑲白旗人。姓索綽羅氏。世居吉林吳喇地方。初任分得撥什庫。順治十八年。從征山東。有賊首段秉瑚。率五百餘人。據山立寨。仰擊敗之。至大賽巖。賊渠孫小五。王節祥。蕭五。引兵一千逆戰。復敗之。往視鋸齒牙山巖後路。遇賊兵四百。擊敗其衆。康熙十五年。從征陝西。至

顯義關。擊僞總兵高定。蔡元。馬步兵。隨官兵進戰。敗之。往圍秦州。復敗其城內出拒之兵。賊兵由四川來援秦州。與城內兵應合。阿哈里力戰陣亡。尋議卹。贈拖沙喇哈番。以其子阿爾賽襲。同旗有驍騎校何和禮。以從征陝西。擊逆賊劉世良於華山地方。歿於陣。亦贈拖沙喇哈番。以其子華善襲。

薩圖。包衣鑲白旗人。姓博爾濟金氏。世居巴禹特地方。初任護軍叅領。康熙十三年。從征逆藩吳三桂。至湖廣南漳縣。敗僞將軍楊來嘉等於

八旗通志 卷三十四
山上。賊又於山後來犯。復擊敗之。又擊僞將軍吳國貴於太平街。奮勇前驅。敗其衆。是役薩圖身被創。尋以創卒。論功。授拖沙喇哈番。以其子僧額襲。同旗有護軍校兼委叅領查付塔者。亦以從征逆藩吳三桂至湖廣。與賊戰於太平街。中鳥鎗陣亡。議卹。贈拖沙喇哈番。

德克。滿洲鑲白旗人。姓洪果氏。世居吉林。吳喇地方。初任驍騎校。康熙十三年。以部委叅領。從征逆藩吳三桂。十六年。在湖廣岳州府。因揀選章京往長沙府送馬。德克與焉。三月初四日。至

洛陽河。遇賊伏兵奪馬。力戰陣亡。尋議卹。贈拖沙喇哈番。以其子綱峩襲職。同旗有七品官牛紐喜保二人。並以康熙十六年三月攻長沙府。力戰陣亡。贈拖沙喇哈番。

拜思虎朗。包衣鑲白旗人。姓博爾濟金氏。世居巴禹特地方。初任二等侍衛。康熙十三年。從征逆藩耿精忠至浙江。僞都督楊祿領兵三千。焚尖山浮橋。據渡口以阻我師。隨官兵擊敗之。又敗賊於諸暨義烏二縣。又與僞都司何應龍戰於千山嶺。敗賊以千計。僞將軍馬九玉下僞吳

八旗通志 卷一百三十四
總兵領兵數千渡河來攻江寧營。隨左翼四旗兵擊敗之。又敗偽林總兵於大溪灘。至建陽縣。擊偽王總兵。連敗其衆。十五年。從寧海將軍喇哈達擊海賊鄭錦下。偽總督徐耀兵於鎮峰山。力戰陣亡。贈拜他喇布勒哈番。以弟之子多爾濟襲。

劉錫。滿洲鑲白旗人。姓伊拉里氏。康熙十三年。以委署護軍校。從征逆藩耿精忠。隨都統喇哈達至浙江。擊偽參將鄭之鼎兵於石塘。又擊石佛嶺。半山嶺賊兵。俱有功。進擊太平山賊兵。大

敗之。毀其二十六營。又與賊戰於蜈蚣山。率所部士卒敗其衆。十九年。隨征南大將軍賴塔征吳逆。奪取石門坎。黃草壩。直抵雲南省城。並著勞績。又與賊兵戰於銀定山。歿於陣。二十五年。議卹。贈拖沙喇哈番。同旗有薩柱護者。初以佐領從征逆藩吳三桂至廣西。亦於康熙十九年。從征南大將軍賴塔平雲南。攻黃草壩。力戰陣亡。贈拖沙喇哈番。以其子禪朱護襲。

圖禮。滿洲鑲白旗人。姓舒穆魯氏。世居雅爾湖地方。康熙十三年。以七品官。從征逆藩耿精忠。

師至浙江石塘。遇賊三千餘。率本甲喇兵擊敗之。又有賊四千來犯。與戰。遂歿於陣。二十五年。贈拖沙喇哈番。孫明良承襲。同旗有驍騎校名伊爾格納者。亦於康熙十三年。從征逆藩耿精忠。至浙江。擊偽都督姜陽。順於江山縣力戰陣亡。贈拖沙喇哈番。

渾親。滿洲鑲白旗人。姓納蘭氏。世居吳喇地方。父曰沙馬海。天聰八年。以任事有能。不違指使。授半個前程。順治二年。以護隨肅親王入山海關。功。加授世職。爲牛录章京。七年。

恩詔。加一拖沙喇哈番。病卒。弟納馬海襲。九年。遇

恩詔二次。加至二等阿達哈哈番。渾親沙馬海之子也。

初襲叔父世職。康熙十三年十月。以部委章京。隨定南將軍內大臣希爾根。征逆藩耿精忠。至江西。屢戰有功。十五年。復隨定遠平寇大將軍安親王岳樂。征逆藩吳三桂。擊偽將軍馬寶等。於湖廣醴陵縣。陣亡。議卹。贈一拖沙喇哈番。合原職爲一等阿達哈哈番。以其子魯爾金襲。雍正二年。魯爾金以進藏有功。加爲一等阿達哈哈番。又一拖沙喇哈番。

鄂羅順滿洲鑲白旗人。姓吳蘇氏。世居訥陰地方。康熙十三年。隨定南將軍希爾根。征逆藩耿精忠。至江西撫州府。僞都督易天錫。引兵自建昌府來犯。擊敗其眾。又敗僞都督楊益懋兵於七里岡坡。又率舟師與賊戰於建昌府峭石地方。陣亡。贈拖沙喇哈番。以其子鄂進泰襲。同旗有佛喀者。姓郭洛羅氏。世居沾河地方。初任佐領。康熙十三年。以委署護軍叅領。從征江西至吉安府。戰歿於陣。亦贈拖沙喇哈番。

阿爾蓀滿洲鑲白旗人。姓西塔喇氏。世居札木

和洛地方。初任八品官。康熙十三年。從定南將軍希爾根。征逆藩耿精忠。至江西。往圍撫州府。僞都督易天錫。引兵自建昌府來援。兩敗其眾。又於七里岡坡。擊僞都督楊益懋。敗賊六萬餘眾。弋陽縣有賊來戰。三敗之。又於艾山馬店。奮擊賊兵。俱有功。復從征至廣東。有吳逆僞將軍胡國柱。馬寶。列陣於茅峰山。阿爾蓀力戰歿於敵。尋議卹。贈拖沙喇哈番。以其子祐瞻襲。明阿圖滿洲鑲白旗人。三等精奇尼哈番。霸拜之孫也。霸拜見得諡名臣傳。明阿圖。初任八品

官。康熙十三年。從征逆藩耿精忠至江西。於獅子腦。鵬陡嶺等處。屢敗賊兵。復破賊於孫家段地方。十七年。從鎮南將軍莽依圖。至廣東韶州府。吳逆偽將軍馬寶率衆來犯。明阿圖力戰陣亡。卹贈拖沙喇哈番。以其子賽音達禮襲。同旗有安泰者。初任六品官。亦以從征吳逆至廣東韶州府。與賊將馬寶等力戰陣亡。贈拖沙喇哈番。附錄見天聰五年自製昌報來封河想其宗蓋桑阿。滿洲鑲白旗人。初任七品官。康熙十三年。從征逆藩耿精忠。有偽羅都督來犯江南。績

谿縣。蓋桑阿隨江寧將軍額楚敗之。又隨官兵破賊於洞庭橋段家村。饒州湖等處。偽總督姜德洪統衆五萬。在弋陽縣修木城拒守。遣偽總兵柯勝引兵一半來戰。俱擊敗之。又從擊偽總兵郭先。張文孝兵於艾山。破賊六千餘。至吉安府。奮擊賊兵。兩戰俱捷。十六年。隨江寧將軍額楚往廣東。在韶州府蓮花山。與偽將軍馬寶賊兵力戰陣亡。二十五年。議卹。贈拖沙喇哈番。以其子翟桑阿襲。同旗有漢楚翰者。初任八品官。亦於康熙十三年。從征逆藩耿精忠至江西。於

八旗通志 卷三十四
饒州永豐縣德興縣等處。連敗賊兵有功。十七年。隨鎮南將軍莽依圖。征逆孽吳世琮。至廣西。與賊戰於新村西山。歿於陣。二十五年。議卹。贈拖沙喇哈番。以其伯父之孫劉錫襲。

長壽。滿洲鑲白旗人。姓伊拉里氏。世居輝發地方。康熙十三年十一月。以主事隨經略莫洛。征逆藩吳三桂。至陝西寧羗州。會提督王輔臣叛。隨莫洛與戰陣亡。議卹。贈拖沙喇哈番。子長安。泰襲。同旗有前鋒校賽音布祿。姓瓜爾佳氏。世居葉赫地方。亦於康熙十三年。從征逆藩吳三

桂由陝西進兵。破賊於野狐嶺。又敗偽葉總兵於陽平關。至保寧府。偽總兵率衆水陸來犯。俱擊敗之。又於小梅嶺龍潭驛。屢敗賊衆。十四年。閏五月。隨貝勒董額。都統赫業等。征叛鎮王輔臣。戰於秦州北山。歿於陣。卹贈拖沙喇哈番。以其子元圖襲。

覺羅薩敦。滿洲鑲白旗人。第

三祖之五世孫也。初任五品官。康熙十三年。隨都統赫業。征四川。擊偽總兵施遵禮於朝天關隘口。力戰陣亡。卹贈拖沙喇哈番。同旗有驍騎校鄭德。

姓畢魯氏。世居葉赫地方。以康熙十七年從征吳逆至湖廣。在武岡州雙井鋪擊賊。戰歿於陣。二十五年議卹。亦贈拖沙喇哈番。

和善。包衣鑲白旗人。姓雷氏。世居遼陽地方。其祖雷宏化。父雷先聲。相繼爲鑾儀使。兄雷繼尊。仕至都統。和善初任副將。隨奮威將軍王進寶西征。至豐縣。兩當破賊四千餘。克復二城。又恢復五關。漢中保寧。並在行間有功。授拖沙喇哈番。康熙十九年。從征四川。在瀘州奮擊賊兵。歿於陣。加贈拜他喇布勒哈番。以其子雷世杰襲。

同旗有名陳達者。初任陝西甘州永固城副將。康熙十四年。西番阿里奈從扁都口來犯。陳達統衆追之。戰歿於陣。卹贈拖沙喇哈番。

關西滿洲鑲白旗人。姓瓜爾佳氏。世居吉林吳喇地方。初爲護軍。康熙三十五年。授前鋒。隨撫遠大將軍伯費揚古。征厄魯特噶爾丹。五月十一日。隨布庫藍翎侍衛布太。布庫沙金。爲四旗先鋒。探噶爾丹排兵聲勢。云於本月十三日。正望昭莫多來。大將軍遣四旗大人舒泰等。率領前鋒隊。引誘厄魯特前進。關西隨舒泰等力戰。

陣亡。贈七品監生官。因無子可襲。給伊妻每月錢糧銀四兩。是役同旗有前鋒名衆神保者。姓納蘭氏。世居葉赫地方。亦以力戰陣亡。贈七品監生官。以其子伯爾屯襲。又有委署護軍校常舒。委署驍騎校貝和諾。護軍法寶馬那哈。並以是役力戰陣亡。俱贈為七品監生官。

蘇敏。滿洲鑲白旗人。姓索綽羅氏。世居吉林地方。雍正七年。以護軍叅領兼佐領。隨公富爾丹征準噶爾。九年六月。在和通呼爾哈奮勇擊賊。歿於陣。卹贈拖沙喇哈番。以其子永清襲。是役

也。同旗有副護軍叅領巴保住。護軍校丹岱。前鋒校伍納海。並以力戰陣亡。各贈拖沙喇哈番。又有佐領伍林泰者。姓文都氏。世居訥殷地方。亦以是役力戰陣亡。贈拖沙喇哈番。

和倫泰。滿洲鑲白旗人。姓格濟勒氏。世居吉林吳喇地方。初任護軍叅領。雍正九年。隨公富爾丹征準噶爾。在科布屯擊賊。戰歿於陣。議卹。贈拖沙喇哈番。子伊蘭泰襲。是役也。同旗有前鋒校關泰。亦以力戰陣亡。贈拖沙喇哈番。以其弟之子圖克善襲。

之子圖克善

對關奉亦以代彈射立其於

蘇尚與合番于坤蘭款

供五學與爾五保亦中

與喇嘛式味升勤軍參

味命泰前既難日賊人

亦

又

殺

心

八旗通志初集卷之二百二十五

忠烈傳六

鑲紅旗滿洲官員

顧吉納 弟伊勒穆

塔納喀 子朱爾堪

桑固理 子赫什密 曾孫祿海

孟庫 子希福納

機穆庫 孫嘉秦

覺羅鄂博惠 覺羅錫翰 薩穆唐阿

布蘭珠 子富岱

尹布 子宜特赫 倭和

鍾古 穆什屯

特穆深 喀喇 喀喇孫開泰

沙爾納 子葛世圖 族人雅典阿

阿囊阿

讓喀 朔馬

博陀理 子保泰

班第 翁艾

都貝 喀喇 慕蘭 沙布

沙克習 兄之子石圖

孫塔 子綏哈 岱柱

安塔錫 子達鼐 鄂爾吉納

付拉布 子保住 兄之子普鐸

莫勒 特穆德 丹布

顧寧安 舒恕納

克色立 桑阿布

胡錫穆 班搭哈

圖錫巴

覺羅星德

羅岱 瓦爾布

富和申 綏哈 花色

英資 諾爾齊 阿爾泰

吳喀達 圖福納

袁泰 努克齊

顧納海 文泰

薩哈達 穆什哈 阿爾泰

沙爾虎達 米哈納 傅岱

牛莫淳

和倫泰 色特立 靠山

敦拜 托拜 來色

佛倫

吳勒 鄂海 常鼐 馬岳 德福 于三保 何記爾恨 五達哈 納親 伍西圖 神寶 富勒賀 愛明阿

米拉渾 見名臣雍舜 邱

王格 察巴海

赫色 郎格 見名臣和託傳

察馬海 見名臣博爾晉 轄傳下二人同

巴代 胡蘭

回色 見名臣吳喇禪 顧巴察 見名臣勞薩傳

額德 見名臣瓦爾喀傳下二人同 舍爾圖

胡錫 喜福 見名臣科爾坤傳

岳洛 見名臣牛鈕傳 勞沙 見名臣拜音布傳下同

炳圖 胡拉哈 見名臣法喀傳

胡善 見名臣殷泰傳 索爾和諾 見名臣額倫特傳

八十九 見名臣葉臣傳 綽內 見名臣孟格圖傳

多果 見名臣剛吉納傳 托羅 見名臣吳爾東阿傳

喇占 見名臣馬克佳傳 回三 見名臣朱瓦尼傳

馬納海 見名臣託拜傳

顧吉納滿洲鑲紅旗人。姓洪鄂氏。世居尼馬察地方。其叔父瑚球於

太祖高皇帝時。率三百戶來歸。授備禦世職。卒。以顧吉

納襲職。天命四年。隨大兵征葉赫。率本牛象兵力戰。歿於陣。弟伊勒穆襲備禦世職。天聰六年。

大兵征明。攻大凌河。伊勒穆率擺牙喇五十人前進。遇明監軍道張春頭隊兵。直入敗之。敘功。

加世職為三等甲喇章京。八年六月。以噶布什賢章京隨征明。遇哨卒二蒙古。二漢人來探我

進兵消息。伊勒穆殺蒙古一人。生擒二漢人一

八旗通志 卷二百二十五
蒙古以獻。

塔納喀滿洲鑲紅旗人。姓西克特立氏。世居瓜爾察洪鄂地方。初任備禦。天命六年。從征明攻遼東。沿河力戰有功。授爲署遊擊。奉

命往收卦爾察兄弟家口。時同往收者。人止得二百口。而塔納喀獨攜三百口以歸。天聰五年。從征明大凌河。破監軍道張春兵。面被創。落三齒。得頭等賞。七年。隨征明旅順口。率本甲喇兵攻城。中礮身亡。八年。議卹。贈牛彖章京世職。子朱爾堪。卽以天聰八年襲職。隨征撒哈連烏喇。擊奔波

果爾兵。率本固山甲士十人。擊敗對陣敵兵。凡往畧五次。獲丁壯五十二人。順治元年。隨睿王多爾袞。進山海關。擊流賊有功。加半箇前程。七年。九年。三遇

恩詔。加至一等阿達哈哈番。

桑固理。滿洲鑲紅旗人。

國初卽効力行間。有巴爾克者。叛逃而去。桑固理同叟根追及斬之。天命六年。隨大兵克明遼東。授遊擊世職。天聰五年。從攻錦州。歿於陣。八年。議卹。加贈世職爲二等甲喇章京。以其子赫什

八旗通志 卷一百三十五
密承襲。是年隨薩穆什哈。霸奇蘭。征黑龍江有功。九年議敘。加世職爲一等甲喇章京。緣事降爲二等。病卒。以子赫圖襲職。順治七年。九年。三遇。

恩詔。加至三等阿思哈尼哈番。緣事降爲二等阿達哈哈番。康熙四年。子祿海襲職。三十五年。隨官兵征厄魯特噶爾丹。由西路進兵。擊敗賊衆。三十二年敘功。加世職爲一等阿達哈哈哈番。

孟庫。滿洲鑲紅旗人。姓鄂濟氏。世居烏喇地方。國初隨大兵征董夔。擒獲綽什希塔布囊福金一人。使女二人。及西岱台吉之弟。天聰八年。從征明至大同。攻左衛城。與褚庫並登。克之。敘功。授半箇前程世職。并

賜赫爾根蒙古。又從攻懷來。歿於陣。仕至梅勒章京。子希福納。以甲喇章京。從靖南將軍朱瑪喇征廣東。敗僞安西王李定國於新會縣。康熙十三年。從征逆藩耿精忠。吳三桂。在江西徐萬村。千金陂。七里崗。景德鎮村。及萍鄉縣東來龍山等處。擊賊。並有功。尋病卒於軍。二十五年。卹贈拖沙喇哈番。以子西清承襲。

八旗通志 卷一百二十五
機穆庫滿洲鑲紅旗人。姓尼馬察氏。世居長白山東呼野地方。於

太祖高皇帝時來歸。從征瓦爾喀什有功。授備禦世職。天聰二年。從大兵征明。攻錦州城。被創卒。子馬爾圖襲職。任牛莊守尉。五年征明。再圍錦州。馬爾圖願効力行間。復父讐。於大凌河生擒明監軍道張春。順治七年。九年。三遇

恩詔。加世職至二等阿達哈哈番。同旗有蓀嘉秦者。姓董鄂氏。世居瓦爾喀什地方。天命六年。隨征明攻瀋陽。擊其步軍。歿於陣。尋議卹。贈遊擊世職。

以其子阿爾東阿承襲。

覺羅鄂博惠滿洲鑲紅旗人。

景祖皇帝長兄之曾孫也。天聰四年。隨大兵征明。進取永平府。在沙庫山與據守之蒙古兵交戰。被創。至家而歿。贈牛彖章京世職。以子溫托慧承襲。其弟覺羅錫翰。以崇德六年。隨大兵征明。圍錦州。擊明軍門洪承疇三營步兵。同勞薩順科洛巴圖魯步戰攻入。歿於陣。七年議卹。贈牛彖章京世職。以子舒書承襲。是役本旗壯尼大薩穆唐阿。毀敵城堞有功。旋以擊洪承疇步兵陣亡。

布蘭珠滿洲鑲紅旗人。姓宜爾根覺羅氏。世居瓦爾喀什地方。天聰五年。隨征明攻錦州。擊寧遠兵。歿於陣。八年。議卹。贈牛彖章京。世職。以其子富岱承襲。順治元年四月。富岱隨睿王多爾袞。進山海關。擊敗流賊。復追敗之於慶都縣。十一月。隨豫親王多鐸征流賊。在潼關屢敗賊兵。三年。敘功。加半箇前程。

尹布滿洲鑲紅旗人。姓寧古塔氏。世居納音地方。天聰八年。以筆帖式隨薩穆什哈。霸奇蘭。征撒哈連烏喇有功。紀錄一次。又隨西特庫。吳巴

海。往追喀木尼哈葉雷。亦有功。崇德二年。授半箇前程。世職。三年。隨貝勒岳託。征明。攻慶都縣城。同哈爾薩。雅薩昂邦。席巴理。穴其城。克之。四年。加世職爲牛彖章京。三分之一。隨曹海。薩穆什哈。征撒哈連烏喇。獲丁壯三十人。進攻杜赫臣城。歿於陣。五年。長子宜爾特赫襲職。順治元年。隨睿王多爾袞。進山海關。擊流賊有功。二年。加世職爲牛彖章京。是年。隨平南大將軍貝勒勒克德渾。往湖廣。勦流賊一隻虎。六年。隨征大同。叛鎮姜瓖。賊兵自城內出犯。正紅旗汛地。宜

八旗通志 卷一百三十五
爾特赫率兵往援。敗之。七年。九年。三遇

恩詔。加世職至二等阿達哈哈番。十二年。隨寧海大將軍宜爾德。往浙江征舟山賊。同白希巴圖魯。獲賊船。十四年。議叙。加世職爲一等阿達哈哈番。次子倭和。康熙十三年。以西安府防禦。委署驍騎叅領。從征逆藩吳三桂。擊賊有功。授拖沙喇哈番。

鍾古。滿洲鑲紅旗人。姓舒書覺羅氏。世居西占地方。崇德六年。以戶部理事官。隨大兵征明圍松山。明軍門洪承疇馬兵。自松山城來犯。鑲紅

旗汛地。鍾古率本甲喇兵。隨梅勒章京雍舜擊敗之。敵兵復乘夜來犯。鑲紅旗壕塹。復敗其衆。順治元年。隨睿王多爾袞。進山海關。擊流賊有功。二年。授半箇前程。世職。四年。課績。以稱職。加世職爲牛彖章京。六年。從征大同。歿於陣。七年。恩詔。追卹。加一拖沙喇哈番。同旗有穆什屯者。天聰七年。隨冷格里。征明。攻南海島。與敵戰於鐵山。歿於陣。八年。議卹。贈牛彖章京。世職。以子胡敏承襲。

特穆深。滿洲鑲紅旗人。姓郭齊里氏。世居德爾

濟阿庫禮地方。崇德八年。隨貝勒阿巴泰。證明至山東。用雲梯攻冠縣。首先登城。因後無繼者。遂歿於敵。尋議卹。贈牛彖章京世職。以子扈鈕承襲。是役。本旗名喀喇者。亦以登城戰歿。卹贈牛彖章京世職。以子堪泰承襲。開泰者。堪泰之子也。雍正六年。以叅領從征北路。九年。至和通呼爾哈那爾地方。擊賊陣亡。卹贈拖沙喇哈番。沙爾納滿洲鑲紅旗人。崇德八年。隨奉命大將軍阿巴泰。證明攻河間府。首先登城。歿於敵。贈牛彖章京世職。以子巴林承襲。順治五年。病卒。

巴林弟葛世圖襲職。七年。九年。三遇

恩詔。加至二等阿達哈哈番。十二年。隨寧海大將軍宜

爾德。往浙江征舟山賊。同劉善政獲賊船。十四年。議敘。加世職。為一等阿達哈哈番。康熙十四年。并襲其族人雅興阿之三等阿達哈哈番。合為一等阿思哈尼哈番。隨貝子富喇塔征逆藩耿精忠。至浙江溫州地方。擊偽將軍曾養性兵。歿於陣。二十五年。議卹。加贈一拖沙喇哈番。以子溥柱承襲。雅興阿。係沙爾納族人。順治二年。隨定國大將軍豫親王多鐸。征江南。用紅衣礮

八旗通志 卷二百二十五
九
攻崑山縣城。於擊破處奮勇先登。遂克其城。三年敘功。授半箇前程世職。七年。九年。三遇

恩詔。加至三等阿達哈哈番。

阿囊阿。滿洲鑲紅旗人。姓伊拉里氏。世居費要和屯地方。初任牛叅章京。順治元年四月。隨睿王多爾袞。進山海關。擊敗流賊。五月。從征山西。用紅衣礮攻太原府城。所屬兵滿都護於擊破處先登。三年。隨豫親王多鐸。追蒙古騰機思有功。授半箇前程世職。尋隨梅勒章京圖詹。駐防山東東昌府。擊土賊。歿於陣。五年。加贈拜他喇

布勒哈番。以兄之孫阿岱襲職。

讓喀。滿洲鑲紅旗人。順治元年。以牛叅章京。隨睿王多爾袞。進山海關。擊流賊有功。是年。隨固山額真葉臣。平定山西。用紅衣礮攻太原府城。同滿都護先登。克之。三年。隨揚威大將軍豫親王多鐸。征騰機思有功。授半箇前程世職。尋隨梅勒章京圖占。征山東土寇。在東昌府擊賊。歿於陣。議卹。加贈爲拜他喇布勒哈番。同旗有朔馬者。姓瓜爾佳氏。世居哈達地方。順治二年。以壯尼大委。署甲喇章京。從征流賊。在延安府擊

八旗通志 卷二百二十五
賊歿於陣得

恩賞銀二百兩。

博陀理滿洲鑲紅旗人。順治二年以壯尼大隨征湖廣。擊荊州府賊一隻虎有功。八年復從征湖廣。在會同縣擊賊二隻虎。袁宗第兵歿於陣。尋議卹。贈拖沙喇哈番。子保泰。順治十四年襲職。康熙二十年隨征南大將軍賴塔。征逆孽吳世璠。由廣西進雲南。敗賊於石門坎。黃草壩。及雲南城下。並在事有功。二十五年議敘。加世職。爲拜他喇布勒哈番。

班第滿洲鑲紅旗人。世居王佳地方。以地爲氏。順治六年隨官兵出征大同。叛鎮姜瓖奮勇擊賊。歿於陣。尋議卹。贈拜他喇布勒哈番。是役本旗部委前鋒校翁艾亦擊賊陣亡。

都貝滿洲鑲紅旗人。世居興佳地方。以地爲氏。順治九年從定遠大將軍敬謹親王尼堪征僞桂王。至湖廣衡州府。與賊力戰陣亡。尋議卹。贈拖沙喇哈番。是役本旗王府一等轄喀喇沙布三等轄慕蘭俱擊賊陣亡。

沙克習滿洲鑲紅旗人。姓瓜爾佳氏。世居安楚

拉庫多爾濟河。順治十二年。以壯尼太隨寧海大將軍固山額真宜爾德往浙江征舟山。歿於陣。十四年議卹。贈拖沙喇哈番。以子安錫承襲。十八年。安錫卒。以沙克習兄之子石圖襲職。康熙二十年。石圖隨征南大將軍賴塔平定雲南有功。二十五年議敘。加世職爲拜他喇布勒哈番。三十五年。復從征厄魯特噶爾丹。由西路進兵。敗賊。三十六年敘功。加一拖沙喇哈番。

孫塔滿洲鑲紅旗人。順治十五年。以壯尼太從征僞桂王至貴州。敗僞帥李成蛟於涼水井地。

方。又在雲南磨盤山。擊僞晉王李定國。歿於陣。十八年議卹。贈拖沙喇哈番。子綏哈襲職。康熙十三年。隨大兵出征吳耿二逆。在江西廣東廣西雲南等處擊賊。並有功。二十五年議敘。加世職爲拜他喇布勒哈番。又一拖沙喇哈番。同旗有岱柱者。亦以順治十五年。隨征雲貴。在涼水井等處。擊賊李成蛟。李定國有功。康熙十六年。從征逆藩吳三桂至湖廣。在太平街擊賊吳國貴兵。歿於陣。贈拖沙喇哈番。

安塔錫。滿洲鑲紅旗人。順治十七年。以委署壯

八旗通志 卷一百二十五
尼大。從征福建。擊海賊鄭成功。同委署燾章京。額爾德赫。擒獲賊船。旋中礮陣亡。康熙二年。贈拜他喇布勒哈番。以子達鼐襲。二十年。隨征南。大將軍賴塔。征逆孽吳世璠。由廣西進雲南。敗賊於黃草壩。復敗之於雲南城下。又隨都統希佛等。追敗賊帥馬寶於烏木山。二十五年。叙功。加一拖沙喇哈番。同旗有鄂爾吉納者。姓宜爾根。覺羅氏。世居玉鍾浦地方。順治十六年。從安南將軍達素。征海寇鄭成功。至福建廈門地方。擊賊陣亡。贈拖沙喇哈番。

付拉布滿洲鑲紅旗人。姓納蘭氏。世居哈達地方。祖薩穆哈。於

太祖高皇帝時來歸。初編牛彙。使管牛彙事。康熙元年。付拉布以分得撥什庫。從定西將軍愛星阿征雲南。至緬國。擒僞桂王。在事有功。授拖沙喇哈番。十四年。從征叛鎮王輔臣。在陝西平涼府擊賊。歿於陣。子保住襲職。康熙三十五年。保住從征厄魯特噶爾丹。在西路擊賊有功。授拖沙喇哈番。併父職。加爲拜他喇布勒哈番。付拉布兄之子普鐸。從征逆藩吳三桂。在永興縣陣亡。

莫勒滿洲鑲紅旗人。姓傅察氏。世居輝發地方。康熙三年。以佐領從定西將軍圖海等征湖廣流寇。破茅麓山有功。十三年。從征逆藩吳三桂。由陝西進四川。屢敗賊衆。在秦州擊僞將軍王屏藩。歿於陣。十六年。卹贈拜他喇布勒哈番。又一拖沙喇哈番。以子華善承襲。本旗有特穆德者。以部委護軍校。從征茅麓山陣亡。又有丹布顧寧安。舒恕納。二人。俱以部委護軍校。從征秦州陣亡。

克色立滿洲鑲紅旗人。康熙十三年。以驍騎校

從征吳耿二逆至江西。在建昌府及宜黃萍鄉二縣。隨大兵屢敗賊兵。十五年十一月。至湖廣攻長沙府城。歿於陣。二十五年。贈拜他喇布勒哈番。以兄之子馬爾泰承襲。同旗有桑阿布者。亦於康熙十三年。以主事隨經畧莫洛征逆藩吳三桂。由陝西進四川。至寧羌州。值提督王輔臣標兵叛亂。莫洛遇害。桑阿布亦戰歿於亂兵。二十三年。卹贈拖沙喇哈番。以子吳什巴承襲。胡錫穆。滿洲鑲紅旗人。姓傅察氏。康熙十三年。以佐領從征逆藩耿精忠至江西。屢立戰功。在

人旗通志 卷三十三
建昌府城南鐘鼓山擊賊被創尋創發身故。二十五年贈拖沙喇哈番以孫華保承襲同旗有班塔哈者亦於康熙十三年以五品鳴贊官從征逆藩耿精忠至江西敗賊於鄱陽湖官塘地方又敗之於康山十四年隨安親王岳樂至建昌府長興擊賊首邵連登兵歿於陣二十五年卹贈拖沙喇哈番以孫金齊顯承襲

圖錫巴滿洲鑲紅旗人姓喀爾喇氏世居葉赫地方康熙十三年隨征逆藩吳三桂在江西湖廣等處屢立戰功十五年二月在萍鄉縣東來

龍山隨安親王岳樂擊偽將軍夏國相李良棟等圖錫巴管領巴圖魯雲梯進攻歿於陣二十五年議卹贈拖沙喇哈番以子穆爾禪承襲
覺羅星德滿洲鑲紅旗人

景祖皇帝長兄之三世孫也康熙十三年以七品官隨官兵出征逆藩吳三桂至江西湖廣屢立戰功在陳崗山擊偽將軍馬寶兵歿於陣贈拖沙喇哈番

羅岱滿洲鑲紅旗人康熙十三年以佐領部委叅領從征逆藩吳三桂陣亡本旗部委驍騎校

八旗通志 卷二百二十五
五
瓦爾布亦從征吳三桂陣亡。部委護軍校富和申。在湖廣彝陵州陣亡。綏哈。在岳州陣亡。花色。在廣西平樂府陣亡。

英資。滿洲鑲紅旗人。姓鄂岳氏。世居葉赫地方。康熙十三年。以八品官從征逆藩吳三桂。在陝西湖廣。屢立戰功。授拖沙喇哈番。二十九年。從征厄魯特噶爾丹。在烏蘭布通擊賊。歿於陣。加贈拜他喇布勒哈番。以子常壽承襲。同旗有諾爾齊者。姓嘎爾達蘇氏。世居黑龍江地方。康熙十四年。以護軍校從征叛鎮王輔臣。至陝西。在

平涼府擊賊。歿於陣。十六年。卹贈拖沙喇哈番。以子諾色禮襲職。又有部委驍騎校阿爾泰。亦在平涼陣亡。

吳喀達。滿洲鑲紅旗人。姓松顏氏。世居尼雅滿地方。康熙十四年。以委署護軍校隨信郡王鄂扎。征察哈爾布爾尼有功。十五年。從撫遠大將軍圖海。征叛鎮王輔臣。敗賊兵於平涼。是年十一月。從征南將軍穆占。往湖廣協征逆藩吳三桂。在永興地方。擊僞將軍馬寶。胡國柱兵。歿於陣。二十五年。贈拖沙喇哈番。以子王天壽承襲。

八旗通志 卷二百二十五
本旗部委護軍校圖福納亦在永興陣亡。

袁泰滿洲鑲紅旗人。姓伊拉里氏。世居費要和屯。康熙十五年。以驍騎校從安親王岳樂征逆藩吳三桂至江西。在萍鄉縣東來龍山擊僞將軍夏國相李良棟。歿於陣。二十五年。卹贈拖沙喇哈番。以子常在承襲。同旗有努克齊者。從征江西。屢立戰功。從征至湖廣。攻長沙府城。被創。尋創潰卒。卹贈拖沙喇哈番。以子根特承襲。顧納海滿洲鑲紅旗人。姓佟佳氏。世居罕佳地方。康熙十五年。以七品司庫隨征陝西叛鎮王

輔臣。在平涼護山墩地方。擊僞總兵王繼正兵。敗之。十八年。從征至湖廣。與逆賊吳國貴戰於長沙。陣亡。卹贈拖沙喇哈番。以子烏蘭布承襲。同旗有文泰者。姓寧古塔氏。世居訥音地方。亦於康熙十五年。以護軍校從征陝西。在平涼護山墩地方。敗王輔臣之子王繼正兵。十七年至貴州。又破賊有功。二十九年。從征厄魯特噶爾丹。在烏蘭布通地方擊賊。歿於陣。贈拖沙喇哈番。

薩哈達滿洲鑲紅旗人。姓哲伯氏。世居韓楚哈

地方。從征逆藩吳三桂。至陝西平涼南山。有賊二千餘。伏兵突出來犯。奮擊敗之。平涼北有賊偽總兵蔡元。領四千餘賊。自東山來犯。薩哈達奮勇擊賊。歿於陣。康熙二十五年。贈拖沙喇哈番。以子薩爾泰承襲。同旗有穆什哈者。姓鄂吉氏。世居烏喇地方。於康熙十五年。以親軍校。從征逆藩吳三桂。在湖廣長沙府擊賊。歿於陣。尋議卹。贈拖沙喇哈番。以子胡里承襲。又有名阿爾泰者。姓瓜爾佳氏。世居安楚拉庫多爾濟河。康熙十七年。以驍騎校。從征逆藩吳三桂。在蓮

花山擊賊。被創。尋創潰卒。卹贈拖沙喇哈番。沙爾虎達。滿洲鑲紅旗人。姓瓜爾佳氏。世居烏喇地方。初從征羅察。跳船擊賊有功。授拖沙喇哈番。康熙十七年。從征海寇。至福建。屢敗賊眾。後擊偽將軍劉國軒。歿於陣。加贈拜他喇布勒哈番。以孫額爾特承襲。同旗有米哈納者。順治初年。以五品官。從征山西。屢立戰功。康熙十七年。從征吳耿二逆。在羅門鎮地方擊賊。歿於陣。二十五年。議卹。贈拖沙喇哈番。以孫發福塔承襲。又有傅岱者。姓他塔喇氏。世居扎庫木地方。

亦以從征吳逆進四川。在盤龍山等處有功。授
拖沙喇哈番。後在府谷縣擊賊。歿於陣。

牛莫淳。滿洲鑲紅旗人。康熙十四年。以前鋒從
撫遠大將軍信郡王鄂扎。征察哈爾布爾尼。在
本旗首先前進。擊斬一賊。凱旋。授拖沙喇哈番
品級章京。二十三年。從公彭春等征羅察。由恒
滾過葫蘆河。招服四十七名羅察。又招服奇勒
爾八姓三十一戶。壯丁九十九名。又招服羅察
頭目伊立克色等六百餘人。後隨官兵攻雅克
薩城。歿於陣。三十年。卹贈拜他喇布勒哈番。以

子保住承襲。

敦拜。滿洲鑲紅旗人。姓博赫里氏。世居撒哈連
烏喇地方。康熙三十五年。以護軍從征厄魯特
噶爾丹。在昭莫多地方擊賊。歿於陣。贈七品官。
是役。本旗托拜和倫泰色特立。靠山。並擊賊陣
亡。俱贈七品官。以子承襲。又有馬兵來色者。亦
以擊賊陣亡。贈八品官。

佛倫。滿洲鑲紅旗人。姓納蘭氏。世居輝發地方。
康熙五十九年。隨官兵安藏。凱旋。渡金沙江。溺
水身故。卹贈七品監生。以弟多倫承襲。同旗有

吳勒者。姓瓜爾佳氏。世居葉赫地方。康熙六十年。從征策妄阿喇布坦。在索羅木地方陣亡。贈拖沙喇哈番。以弟之子戴明阿承襲。又有護軍參領鄂海。佐領兼護軍參領常鼐。佐領兼委參領馬岳。前鋒護衛德福。于三保。何記爾恨。護軍校五達哈。納親。伍西圖。驍騎校神寶。領催兼部委章京富勒賀。十一人。雍正九年。從征準噶爾。至和通呼爾哈地方擊賊。陣亡。並贈拖沙喇哈番。各以其子承襲。又有護軍校兼部委章京愛明阿。雍正十年。在烏孫佳爾地方擊賊。陣亡。得

賞銀三百兩。

八旗通志初集卷之二百二十六

忠烈傳七

正藍旗滿洲官員

布噶

勞漢

布爾機

子梭爾敏

明蓋

子商吉圖

胡申布魯

子愛音查

邁格

子鄂海

查蘇喀

色勒奇圖倫

傅克察

子巴爾柱

薩爾太

子佛保柱

僧額德

西特庫吳巴什

馬奮

弟關保

莽藹

博卓羅

子額澤

俄格綽特巴

宜爾圖 滿都護 阿里善 貝屯 納馬爾
代山 雅圖 查克丹 馬喇奇 哈
尼

卓內 子赫達子 薄林
宋吉納 子富爾敦

張庫善 莫勒洪 鍾 納達禮
衛 齊奇納

禪布 雅思哈
伊禮布 色魯

卓爾齊泰 韓 鼐 薩爾圖

索鼐 吳納哈
阿爾呼達 伊爾泰 奇爾布

哈鼐 阿布善
萬佛保 察布達爾 蘇勒伸

海達禮 何德理
雅木達

賽柱

覺羅薩鼐 觀音保 拖班 薩彌漢
鍾艾 安代山

蘇穆代 門都 黨喀里
黑渾 何壽

尼雅韓 敦 泰 子孟固爾代山

拜哈喇 額楞楚 重魁 巴林 阿三泰
西圖庫 韓褚哈

隆柱 傅桑阿 鄭武保
翁阿岱 見名臣達諸護 傳

查布丹 見名臣鄂羅 塞臣傳
圖爾錫 見名臣宜拜傳

穆實 見名臣圖爾 圖 法 見名臣蘇魯邁 特傳 巴圖魯傳

折爾特 見名臣鄂莫克圖 巴圖魯傳

喇門 見名臣雅泰 傳下二人同
丹布

塞勒 伊爾都 見名臣伊博克 圖傳

哈爾泌

見名臣薩必漢傳

胡什

見名臣扈查祿傳

孟寶

見名臣扈查祿傳

七十八

見名臣科爾坤傳

法薩禮巴圖魯

見名臣哈克山傳

桑圖

見名臣哈爾松阿傳

齊克訥

見勳臣傳魯肯巴圖魯傳

碩色

見勳臣霸林傳

圖黑特

見勳臣葉格述傳

準泰

見勳臣哈世庫傳

七十三

見勳臣席喇巴傳

東希庫

見勳臣隨哈傳

蒙古爾代

巴克塔西林

韋合德

聶牛克五達色

馬寧阿

白喜褚爾漢

觀音保

胡雅圖烏里禪

隆保

布噶滿洲正藍旗人。姓舒穆魯氏。世居訥音江地方。國初來歸。旋以拜常阿等四村人叛逆。布噶統兵平定之。並以所俘獲來獻。論功授二等叅將世職。天命六年。隨

太祖高皇帝取瀋陽。與敵戰。奮勇爭先。歿於陣。以子花山襲職。

勞漢滿洲正藍旗人。姓塔他拉氏。世居查庫穆地方。天命三年。隨

太祖高皇帝攻撫順城。以第一人先登克其城。天聰元

八旗通志 卷二百二十六
年。從大貝勒阿敏等征朝鮮。兵臨義州。選八旗
巴圖魯攻之。勞漢同艾博巴圖魯潛夜登城戰
歿。卹贈備禦世職。以其子沙喇奇承襲。

布爾機。滿洲正藍旗人。天聰四年。從大兵征明。
圍永平府。同二十四人冒火登城。克之。及我師
駐永平府。明山海關援兵來犯。布爾機力戰陣
亡。卹贈備禦世職。以其子梭爾敏承襲。崇德六
年。梭爾敏從大兵征明。圍錦州。敵兵來犯。同朱
馬喇等步戰却之。尋往駐守松山。復敗敵兵二
次。順治元年。隨睿王多爾袞入山海關。破流寇。

復有功。二年議敘。又加世職半個。前程。七年九
年。三遇。

恩詔。加至一等阿達哈哈番。

明蓋。滿洲正藍旗人。姓瓜爾佳氏。世居哈達地
方。天聰三年。以擺牙喇從征大同。攻朔州。繼額
爾畢赫以第二人登城。戰歿於城上。卹授半個
前程。世職。以其子商吉圖承襲。順治三年。商吉
圖隨肅親王豪格征四川。平流賊八大王張獻
忠。七年九年。三遇。

恩詔。加世職至三等阿達哈哈番。康熙十三年。從安親

王岳樂征逆藩吳三桂。平定江西湖廣等處。敗偽將軍夏國相於萍鄉縣。十七年。敗偽將軍吳國貴於武岡州。論功加授世職二等阿達哈哈番。官至副都統。

胡申布魯。滿洲正藍旗人。天聰五年。隨大兵征明攻遵化。繼薩穆哈圖登城克之。授半個前程世職。順治元年四月。隨睿王多爾袞入山海關。擊流寇有功。五月。隨固山額真葉臣等往平山西。敗賊於太原府。二年。隨英親王阿濟格追流賊。由湖廣順大江東下。至九江府等處有功。加

授牛录章京世職。七年九年。三遇

恩詔。加至二等阿達哈哈番。尋追敘三年從征騰機思。

五年從征江西南昌叛鎮金聲桓。十一年從征浙江舟山海寇等功。加至一等阿達哈哈番。兼一拖沙喇哈番。十七年。駐防江寧。任固山大。隨將軍喀喀木擊海寇鄭成功。力戰歿於陣。事平議卹。加贈世職為三等阿思哈尼哈番。以其子愛音查襲。愛音查亦以從征陣亡。以其子雅岱襲。

邁格。滿洲正藍旗人。姓瓜爾佳氏。世居囊武地。

方。初以阿禮哈超哈從征。擊敵屢被重傷。天聰八年。從征大同。攻左衛城。奮勇先登。戰歿。卹贈半個前程。世職。以其子鄂海承襲。崇德元年。鄂海以從征朝鮮。亦力戰歿於陣。

查蘇喀。滿洲正藍旗人。姓吳蘇氏。世居寧古塔地方。通文學。崇德初。在文館辦事。加號巴克什。兼牛彖章京。七年。從大兵攻錦州。與敵戰於裏紅山陣亡。是役也。同旗有色勒者。姓傅察氏。世居葉赫地方。以壯尼大擊敵歿於陣。又有奇圖倫者。以拜他喇布勒哈番從征。亦於是役歿於

陣。

傅克察。滿洲正藍旗人。姓查拉里氏。世居瓦爾喀地方。初以牛彖章京從征北京。戰歿於昌黎縣。卹贈三等甲喇章京。世職。以其子喀喇承襲。第四子巴爾柱。任牛彖章京。崇德三年。從貝勒杜度。征明至山東。攻棲霞縣。率本甲喇兵以雲梯攻克之。論功授半個前程。世職。遇七年

恩詔。加授拜他喇布勒哈番。

薩爾太。滿洲正藍旗人。姓溫都氏。世居海鹽地方。

太宗文皇帝時來歸。充噶布什賢擺牙喇。崇德六年。隨睿王多爾袞攻錦州。擊明經畧洪承疇。力戰被創。又隨豫親王多鐸追敵。斬二人。以功授半個前程。八年。隨饒餘郡王阿巴泰征山東。初出境。卽擊明兵敗之。殺二人。破青州府時。生擒一人。又殺敵巡哨兵一人。回至豐潤安肅三河等縣。皆以殺敵巡哨人得功牌。順治元年。隨定國大將軍豫親王多鐸南征。至潼關。生擒敵騎一人。六年。任江寧牛永章京。從征南大將軍譚泰。征江西叛鎮金聲桓。擊僞吳總督步卒三千於九

江府關廂。敗之。又敗賊於南昌府西橋。以火礮攻南昌府城。賊首金聲桓。王得仁。率馬步兵七萬。出城來犯。隨譚泰等擊敗之。師旋時。有賊兵二萬來襲。薩爾泰率本旗擺牙喇擊却其衆。尋進征贛州。擊敗阻路兵。又敗僞堯國公李成棟軍。十三年。從征湖廣。敗僞秦王孫可望於岔路口。旋歸原駐防江寧府。十五年。海賊鄭成功犯瓜州。率師往擊。戰歿。卹贈拜他喇布勒哈番。以其子佛保住承襲。康熙十二年冬。逆藩吳三桂反。佛保住以署叅領隨署副都統伊博克圖往

八旗通志 卷二百三十一
征。與僞將軍王慧郭士英戰於攸縣東南。敗之。賊又以四象列陣於攸縣之東。仍率本甲喇兵擊敗之。十七年。與賊戰於永興。中火礮歿於陣。以其子塔禮。仍襲拜他喇布勒哈番。

僧額德。滿洲正藍旗人。順治二年。從固山額真覺羅巴哈納等。往定山西。至高長坡地方。遇僞蔡總兵率衆來拒。僧額德力戰陣亡。卹贈半個前程。同旗有西特庫者。姓扎拉里氏。世居瓦爾喀地方。任擺牙喇甲喇章京。吳巴什者。姓吳蘇氏。世居巴彥喇地方。任壯尼大。俱以順治五年。

從燾章京阿爾津。哈寧阿等。征四川。奮勇擊賊戰歿。西特庫贈世職拖沙喇哈番。

馬奮。滿洲正藍旗人。姓博爾濟錦氏。世居烏魯特地方。順治二年。以七品官從貝勒博洛。南征。破賊有功。進至浙江。與賊戰於會稽縣陣亡。卹贈半個前程。其弟關保。康熙十六年。亦以七品官從征逆藩吳三桂。至湖廣。十七年。從將軍鄂內。敗僞將軍杜輝。巴養元。江義等。於柳林嘴。又敗杜輝等於君山。又敗之於雷滢。旋與賊戰於洞庭湖陣亡。卹贈拖沙喇哈番。併伊兄世職爲

八旗通志 卷二百三十一
拜他喇布勒哈番。以馬奮子張保襲。

莽藹。滿洲正藍旗人。姓伊拉喇氏。世居海鹽地方。初充擺牙喇。順治五年。從固山額真譚泰。征江西。叛鎮金聲桓。賊兵來犯。正藍旗壕塹。同擺牙喇甲喇章京莊貴。壯尼大阿球。往援。莽藹先進擊之。斬殺二人。射殪一人。又隨固山額真阿喇善。征山東。遇賊二百餘。自山上來犯。同詹代逆擊敗之。射死一人。十年。隨寧南靖寇大將軍陳泰。征湖廣。敗賊於常德府德山之下。同額爾垂。奪船進剿。射殺一人。康熙十三年。以驍騎校

從征逆藩耿精忠。至江西。圍撫州府。城中賊出犯。同衆擊敗之。僞將軍楊三。僞總兵李茂珠等。擁賊四萬。列陣於千金坡地方。拒戰。又擊敗之。十四年。敗僞總兵朱一典等賊一萬五千。於惠浦地方。又擊賊於新昌縣北山。敗之。僞帥邵連登。率僞都督九人。賊八萬。據建昌府山沿河諸險。拒敵。隨安親王岳樂。擊敗之。尋擊賊於新口。費園地方。戰歿。卹贈拖沙喇哈番。以其子楊保住襲職。

博卓羅。滿洲正藍旗人。順治六年。從巽親王滿

八旗通志 卷二百三十六
達海征大同叛鎮姜瓖圍渾源州以第二人登城克之進攻孝義縣復以第二人登城論功授世職拖沙喇哈番七年九年三遇

恩詔加為拜他喇布勒哈番兼一拖沙喇哈番十七年從定西將軍愛星阿平定雲南有功康熙十四年從征叛鎮王輔臣戰於秦州陣亡加贈世職為三等阿達哈哈番以其子額澤承襲額澤從征南大將軍賴塔征逆孽吳世璠敗賊於黃草壩等處有功加世職為二等阿達哈哈番

俄格綽特巴滿洲正藍旗人其父德爾格珥原係察哈爾貝子率屬來歸授三等甲喇章京世職遇順治七年

恩詔加至二等病卒俄格綽特巴襲父職九年二次恩詔加至一等阿達哈哈番又一拖沙喇哈番十一年從敬謹親王尼堪往湖廣征偽桂王戰於衡州陣歿尋議卹加贈為三等阿思哈尼哈番以其子根敦襲職

宜爾圖滿洲正藍旗人順治十六年以擺牙喇壯尼大從內大臣達素征福建海寇與賊戰於廈門陣亡卹贈拜他喇布勒哈番以其子禪布

承襲。是役從征將士戰歿者甚多。同旗有滿都護。阿里善。二人者。姓扎拉里氏。世居瓦爾喀地方。滿都護任副叅領。阿里善任三等護衛。貝屯。納馬爾岱。二人者。姓吳扎拉氏。世居黑龍江地方。貝屯任王府典儀。納馬爾岱任壯尼大。又有雅圖者。姓布吉爾根氏。世居烏魯特地方。任一等護衛。查克丹者。姓民覺羅氏。世居額爾民地方。任二等護衛。馬喇奇者。姓塔他拉氏。世居查庫穆地方。任壯尼大。哈尼者。姓伊拉喇氏。世居法爾開地方。任驍騎校。俱以奮勇擊賊戰歿。滿

都護授拜他喇布勒哈番。餘各授一拖沙喇哈番。

卓內。滿洲正藍旗人。初任閒散章京。順治五年。大同逆鎮姜瓖叛。卓內從巽親王滿達海往勦。戰於大同。中火礮歿於陣。卹贈拖沙喇哈番。以其子赫達子襲職。赫達子又以從征福建海寇鄭成功戰歿。加贈為拜他喇布勒哈番。以其弟卓克錫承襲。又同旗有薄林者。姓民覺羅氏。世居木器地方。順治十一年。以署護軍校從寧海大將軍固山額真宜爾德。征浙江舟山海寇。與

八旗通志 卷二百三十六
偽英毅伯阮思等戰。歿於陣。亦卹授拖沙喇哈番。

宋吉納。滿洲正藍旗人。初以三等護衛從征福建海寇。戰於廈門陣亡。授拖沙喇哈番。以其子富爾敦承襲。康熙三十五年。富爾敦隨撫遠大將軍伯費揚古。征厄魯特噶爾丹。擊賊於昭莫多地方有功。加世職爲拜他喇布勒哈番。

張庫善。滿洲正藍旗人。順治九年。以壯尼大從敬謹親王尼堪。征偽桂王至湖廣。與賊兵戰於衡州陣亡。卹贈拖沙喇哈番。以其弟之子俄亥

承襲。是役也。同旗有莫勒洪者。姓朱家氏。世居齋發地方。任分得撥什庫。鍾衛者。姓納喇氏。任員外郎。委署甲喇章京。齊奇納者。姓吳扎拉氏。世居黑龍江地方。俱以奮勇擊賊戰歿。各授一拖沙喇哈番。

納達禮。滿洲正藍旗人。姓傅察氏。世居費衣達磨地方。以署護軍校征貴州軍功。授拖沙喇哈番。康熙十五年。從征逆藩吳三桂。與賊兵戰於湖廣之彝陵州陣亡。加贈爲拜他喇布勒哈番。以其兄之子阿泰承襲。

八旗通志 卷一百二十六
禪布。滿洲正藍旗人。初任壯尼大。順治十六年。從固山額真趙布泰。征雲南。守沅江府。僞總兵馬秉忠。以賊三千來犯。擊敗之。康熙十七年。從貝勒察尼。征逆藩吳三桂。至湖廣岳州。擊僞將軍吳應麒。力戰陣亡。卹贈拖沙喇哈番。以其子海壽襲職。同旗有雅思哈者。姓趙家氏。世居汪秦地方。署護軍叅領。亦以順治十六年。從征雲南。戰歿。授拖沙喇哈番。

伊禮布。滿洲正藍旗人。康熙十三年。從征逆藩耿精忠。時海寇煽亂。伊禮布同衆連敗賊首李廷貴等。進兵至海澄縣。遇僞將軍劉國軒等。來犯。伊禮布力戰歿於陣。卹贈拖沙喇哈番。以其子雅松阿承襲。同旗有色魯者。姓民覺羅氏。世居覺爾察地方。任三等護衛。亦以從征福建陣亡。授拖沙喇哈番。

卓爾齊泰。滿洲正藍旗人。康熙十三年。從征逆藩耿精忠。至江南。連敗賊兵於休寧縣。又敗賊於江西饒州府等處。進兵至廣東。與逆藩吳三桂僞帥馬寶等。戰於韶州府。陣亡。卹贈拖沙喇哈番。以其叔父莽色承襲。

韓鼐。滿洲正藍旗人。姓伊拉喇氏。世居殷泥地方。康熙十七年。以驍騎校隨奉命大將軍康親王傑書。征逆藩耿精忠。平定浙江福建等處。俱有功。我兵有被困於海城者。韓鼐隨副都統孟阿等。救之。遇偽提督何湛之。來拒。韓鼐力戰陣亡。同旗有薩爾圖者。姓伊拉喇氏。世居葉赫地方。任兵部筆帖式。康熙十二年。隨本部侍郎黨古禮。出使雲南。遇吳三桂舉兵反。被執不屈。罵賊遇害。

索鼐。滿洲正藍旗人。康熙十三年。以護軍校從前鋒統領穆占。征逆藩吳三桂。由陝西進四川。擊賊衆於朝天關。保寧府。蟠龍山等處。破三十餘營。進至張飛廟。有賊兵三千來拒。索鼐奮擊歿於陣。卹贈拖沙喇哈番。以其子保住承襲。同旗有吳納哈者。姓馬家氏。世居寧古塔地方。以護軍叅領從征吳逆。與賊兵戰於四川槐樹驛陣亡。亦卹贈拖沙喇哈番。

阿爾呼達。滿洲正藍旗人。康熙十四年。以五品官從征叛鎮王輔臣。敗偽將軍王屏藩等於羅門鎮。賊兵敗遁。復整衆來犯。阿爾呼達力戰陣

八旗通志 卷二百二十六
亡。卹贈拖沙喇哈番。以其從兄之子葛貝承襲。同旗有伊爾泰者。姓瓜爾佳氏。世居葉赫地方。任護軍校。又有奇爾布者。亦任護軍校。伊爾泰與賊戰於保寧府。奇爾布與賊戰於夏義關。並力戰歿於陣。伊爾泰贈拜他喇布勒哈番。奇爾布贈拖沙喇哈番。

哈鼐。滿洲正藍旗人。康熙十七年。以驍騎校從寧海將軍喇哈達等。征福建海賊。與僞提督何湛之。戰於祖頭山。陣亡。卹贈拖沙喇哈番。以其子萬達禮承襲。同旗有阿布善者。姓扎拉里氏。戰於漳州府。陣亡。

萬佛保。滿洲正藍旗人。康熙十三年。以八品官從征逆藩耿精忠。至江西。敗賊於南康府。十五年。進兵至廣東。擊叛鎮馬雄。祖澤清。歿於陣。卹贈拖沙喇哈番。以其子萬達禮承襲。同旗有察布達爾者。姓郭羅羅斯氏。世居占河地方。任驍騎參領。蘇勒伸者。姓扎拉里氏。世居瓦爾喀地方。任八品官。署副參領。俱隨定遠平寇大將軍安親王岳樂。征逆藩吳三桂。戰於江西新口。費

八旗通志 卷一百二十六
園地方陣亡。

海達禮。滿洲正藍旗人。康熙十三年。以七品官從副都統鄂申。征逆藩耿精忠。至浙江金華。敗偽都督閔標等兵十五次。十七年。至福建海澄縣。勦海寇。擊偽將軍劉國軒。力戰歿於陣。卹贈拖沙喇哈番。以其子海瀚承襲。同旗有何德理者。以佐領從征耿逆。與賊兵戰於小梁山陣亡。亦卹贈拖沙喇哈番。

雅木達。滿洲正藍旗人。康熙十三年。以佐領從征逆藩耿精忠。至江西。敗賊首黃灝等。於鄱陽湖。又敗之於饒州府。十五年。隨安親王岳樂。征逆藩吳三桂。至湖廣長沙府。有賊二千來犯。雅木達力戰陣亡。卹贈拖沙喇哈番。以其孫畢里克圖襲職。

賽柱。滿洲正藍旗人。初任四品典儀官。康熙十三年。從征逆藩耿精忠。至浙江。連敗賊將王宗仁等七次。十七年。從征海寇。進至福建海澄縣。與偽將軍劉國軒。戰於祖頭山陣亡。卹贈拜他喇布勒哈番。以其子戚格承襲。

覺羅薩鼐。滿洲正藍旗人。康熙十三年。以七品

官從征逆藩耿精忠。至江西。連敗賊首黃灝等兵五次。十五年。隨安親王岳樂。至湖廣。長沙。擊逆藩吳三桂。賊兵於南門外。力戰陣亡。贈拖沙喇哈番。以其子覺羅常鼐襲。同旗有觀音保者。姓布吉爾根氏。世居烏魯特地方。任七品官。拖班。薩弼漢。二人者。姓民覺羅氏。世居胡納河地方。拖班。任驍騎校。薩弼漢。任夸蘭大。又有鍾艾者。姓納喇氏。世居扎濟里城地方。又有安岱者。亦任七品官。俱以從征逆藩吳三桂。與賊戰於湖廣。陣亡。鍾艾。贈拜他喇布勒哈番。拖班。安岱。各贈一拖沙喇哈番。

蘇穆代。正藍旗包衣滿洲人。姓蘇家氏。世居德里倭河地方。由軍功累陞。至浙江温州府副將。康熙十三年。逆藩耿精忠反。犯温州。奮勇擊賊。歿於陣。贈拖沙喇哈番。以其子海德承襲。同旗有門都者。姓吳蘇氏。世居薩哈連烏喇地方。任前鋒參領。有黨喀里者。姓吳扎喇氏。世居黑龍江地方。任杭州協領。俱從征逆藩吳三桂。與賊戰陣亡。各追贈一拖沙喇哈番。

黑渾滿洲正藍旗人。姓傅察氏。世居吉揚地方。

康熙十三年。以驍騎校委署章京。從將軍額楚。征逆藩吳三桂。至廣西。與僞帥吳世琮戰於藤縣陣亡。追贈拖沙喇哈番。是役也。同旗有何壽者。姓宋家氏。世居董鄂地方。亦以八品官擊賊戰歿。追贈拖沙喇哈番。

尼雅韓。正藍旗包衣滿洲人。姓索察喇氏。世居烏喇地方。康熙十三年。以六品包衣大委署甲喇章京。從征逆藩耿精忠。至浙江。有僞孔都督率賊五千餘來犯。尼雅韓隨平南將軍賴塔擊敗之。又敗僞都督周烈。敗僞將軍馬九玉。於苑

口。海寇僞都督趙德勝。僞將軍何祐等。率賊四萬。據太平山。立二十六營。以馬步萬餘。自山之東來犯。隨平南將軍賴塔等擊敗之。又隨寧海將軍喇哈達。攻泉州府。海賊何祐等遁去。同衆追殺。大敗之。尋進援海澄縣。遇僞帥劉國軒。奮擊歿於陣。贈拖沙喇哈番。以其子常綬承襲。

敦泰。滿洲正藍旗人。姓瓜爾佳氏。世居蘇完地方。康熙十四年。以八品官從征叛鎮王輔臣。進圍秦州。遇僞總兵七員率兵來援。敦泰力戰陣亡。卹贈拖沙喇哈番。以其子穆克登承襲。孟固

爾岱其長子也。康熙十四年。以署護軍校。隨定遠平寇大將軍安親王岳樂。征江西湖廣等處。以軍功得頭等功牌。三十五年。以署護軍叅領。隨撫遠大將軍伯費揚古。征厄魯特噶爾丹。擊賊於昭莫多地方。斬獲甚衆。以功授拖沙喇哈番。

拜哈喇。滿洲正藍旗人。姓何舍里氏。世居葉赫地方。以二等護衛。從征逆藩吳三桂。戰歿。授拖沙喇哈番。同旗有額楞楚者。姓朱爾根氏。世居烏喇地方。署前鋒叅領。有重魁者。姓納喇氏。世

居機幾里城地方。巴林者。姓傅察氏。世居葉赫地方。阿三泰者。姓瓜爾佳氏。西圖庫者。任護軍叅領。韓褚哈者。世居東安地方。俱以從征吳逆戰歿。西圖庫贈拜他喇布勒哈番。餘俱贈拖沙喇哈番。

隆柱。滿洲正藍旗人。康熙三十五年。以護軍校從撫遠大將軍伯費揚古。進勦厄魯特噶爾丹。戰於昭莫多地方。陣亡。卹贈拖沙喇哈番。以其子隆阿承襲。是役同旗有傅桑阿者。姓傅察氏。世居吉揚地方。以委署護軍校從征。有鄭武保

八旗通志 卷三百三十六
者。充前鋒兵。俱在行間戰歿。各授其子爲七品官。

蒙古爾代。滿洲正藍旗人。姓何色里氏。世居葉赫地方。任佐領。委署叅領。雍正九年。隨靖邊大將軍內大臣公傅爾丹大兵。進勦準噶爾。由北路進兵。至和通胡爾漢諾爾地方。與賊兵遇。蒙古爾代奮勇擊戰。歿於陣。議卹授拖沙喇哈番世職。以養子九格承襲。是役也。同旗有巴克塔者。姓那喇氏。世居哈達地方。任驍騎校。西林者。姓佟佳氏。任護軍校。俱力戰陣亡。議卹各授一

拖沙喇哈番世職。

韋合德。滿洲正藍旗人。姓張佳氏。世居扎庫塔地方。任護軍叅領。雍正九年。隨靖邊大將軍內大臣公傅爾丹。率大兵勦準噶爾。至和通胡爾漢諾爾地方。韋合德同前鋒統領定壽。以頭隊進。與賊力戰陣亡。議卹授拖沙喇哈番世職。以子明柱承襲。是役也。同旗有聶牛克者。姓吳蘇氏。世居瓦爾喀地方。任驍騎校。又有五達色者。姓民覺羅氏。世居興堪地方。任前鋒校。俱力戰歿於陣。議卹各授一拖沙喇哈番世職。

馬寧阿。滿洲正藍旗人。任右衛駐防協領。兼拜他喇布勒哈番。又一拖沙喇哈番。雍正九年。隨靖邊大將軍內大臣公傅爾丹。進剿準噶爾。至和通胡爾漢諾爾地方。與賊奮勇擊戰。歿於陣。議卹授拖沙喇哈番世職。以其子承德承襲。是役也。同旗有白喜者。任護軍校。又有褚爾漢者。姓塞米喇氏。世居蘇完地方。任護軍校。力戰皆歿於陣。議卹並授一拖沙喇哈番世職。

觀音保。滿洲正藍旗人。姓吳扎喇氏。世居黑龍江之鴿子村。任世職。拜他喇布勒哈番。雍正九

年。隨靖邊大將軍內大臣公傅爾丹。剿準噶爾。至和通胡爾漢諾爾地方。與賊力戰陣亡。議卹授拖沙喇哈番。以其子官德承襲。是役也。同旗有胡雅圖者。姓鈕祜祿氏。世居安圖和羅英額地方。任護軍校。又有烏里禪者。姓西林覺羅氏。世居庫倫達布堪外圍地方。任烏鎗護軍校。俱奮勇擊戰陣亡。議卹各授一拖沙喇哈番。

隆保。滿洲正藍旗人。任前鋒叅領。雍正九年。隨靖邊大將軍內大臣公傅爾丹。率大兵征剿準噶爾。至烏孫朱爾地方。與賊兵遇。隆保奮勇擊

戰歿於陣。終未爾此大興親兵戰於書良驥

徵發大深軍內大司公與爾丹率大兵討賊

劉利敵匪五蓋賊人封前鋒參將振五武平劉

齊良驥輝朝古難咄各姓一降逆喇爾奇

世恩軍外殺亦統兵附賊衣計高敵驍軍外是

賊大封勳軍外又清魚里驍營世西林受錄凡

中代... 賊匪... 賊匪... 賊匪...

至味... 賊匪... 賊匪... 賊匪...

平劉敵... 賊匪... 賊匪... 賊匪...

八旗通志初集卷之二百二十七

忠烈傳八

鑲藍旗滿洲官員

特音珠 子多貝

雅母布立 子格爾泰 馬什泰

哈慕嘉 覺羅布爾海

輝蘭

達蘭

吳達納 弟之子胡什

穆龜

謨海 子孟古爾代 孫圖似海

孫噶達渾 四世孫

卓納 子席特庫 孫碩倫 龍什庫

艾賽 子霍色

噶布碩 弟西奇納 弟之子敦達禮

覺羅噶思哈 子圖爾瑪 孫舒書

東阿 子福拉塔

羅多禮 子諾穆齊

圖爾哈圖 莽郭

倭合納

阿南達

希富

台弼圖

阿哈尼堪

松愛

克禮 郭里

赫貝

糾渾柱 奇蘭布 葉木布

卦塞

胡圖

多哈 季本吉

海蘭

科賚 海保

立固 車爾圖 蘇爾丹

地藏保 辛柱 納蘭辛柱

薩齊渾 淮色

朱神保 阿爾泰

噶林 索倫 雅蘭泰

薩蘭泰

赫達色 元寶 孫泰

常保 阿爾布 拔士

德壽 賽必圖

福成額 見勳臣布雅里傳

莽吉祿 見勳臣邁什克

孟健 見勳臣阿哈丹

金州 見勳臣石圖傳

特音珠。滿洲鑲藍旗人。姓完顏氏。於

國初率兄弟里人來歸。

太祖高皇帝始編牛錄。令特音珠兼管六牛錄事。授備禦世職。

太祖征討四方。從戎宣力。創痕滿體。多著勲勞。累任至副將。後以創發卒。以長子多貝襲備禦世職。仍管牛錄事。天聰五年。多貝隨大軍征明。攻大凌河。城內敵兵突出。多貝身先士卒。力戰陣亡。弟鄂特渾襲職。

謨海。滿洲鑲藍旗人。姓覺羅氏。世居雅爾古地。

方。初以戰功授備禦世職。天命六年。從大兵征明。破明兵於耀州。天聰六年。從征明錦州。奮勇力戰陣亡。加贈世職爲二等甲喇章京。以其子孟古爾代承襲。崇德三年。孟古爾代隨英親王阿濟格攻皮島。乘夜進戰有功。四月。克其島。賞銀八十兩。四年。隨曹海薩木什哈等征索倫部落。攻哲陳城。獲丁壯九十一人。五年九月。隨征明杏山。敗敵兵。六年十月。兩敗明松山之兵。敵兵夜犯羅託貝子之營。往援却之。順治元年十月。隨定國大將軍豫親王多鐸南征。至潼關。三

敗流賊。二年三月。至南京。隨公圖賴破僞侯黃得功等於蕪湖。至常州府。連敗僞帥毛大玉有功。至崑山縣。獲船十五隻。隨固山額真恩格圖進攻克其城。三年敘功。加世職爲一等甲喇章京。尋緣事降爲二等甲喇章京。四年卒。以其兄科爾快襲。七年九年。三遇

恩詔。加世職至三等阿思哈尼哈番。緣事仍降爲二等阿達哈哈番。康熙元年卒。以兄之孫羅瞻襲。二十二年。緣事革。以其叔祖圖賚之子圖似海襲職。三十五年八月。圖似海隨撫遠大將軍伯費

揚古征厄魯特噶爾丹。在昭莫多地方奮力破賊。三十六年敘功。加一拖沙喇哈番。

雅母布立。滿洲鑲藍旗人。姓瓜爾佳氏。世居瓦爾喀內河地方。初隨伊父查爾糾。率百人於

國初來歸。

太祖高皇帝授備禦世職。天命六年。從大兵征明攻瀋陽城。力戰陣亡。加贈世職爲遊擊。子葉勒伸承襲。天聰八年五月。緣事革。以次子格爾泰襲。崇德五年七月。格爾泰從睿王多爾袞。證明圍錦州。擊敗明杏山兵。六年。復圍錦州。乘夜進攻。克

其外城。明松山兵來援。格爾泰同衆將敗之。七年。往畧明寧遠地。破敵兵於城下。八年。同齊墨格圖。往征撒哈連。圍社里城。克快村。獲壯丁十七人。又隨鄭親王濟爾哈朗。證明。取前屯衛。奪門。殺入克其城。順治二年。敘前功。加世職爲二等甲喇章京。三年。緣事降世職爲牛錄章京。七年九年。三遇

恩詔。加至二等阿達哈哈番。尋隨墨爾根。轄征四川。敗賊何進於漢中府。又敗賊兵於涪州。十六年。隨安南將軍明安達禮。往征貴州。旋移鎮荊州。值

八旗通志 卷二百二十七
海寇鄭成功陷鎮江。逼江寧。格爾泰隨明安達禮往援。敗其餘寇。獲船一隻。賊登岸再戰。又大敗之。十七年敘功。優授一等阿達哈哈番。兼一拖沙喇哈番。噶達渾者。雅母布立之孫也。初任西安駐防佐領。康熙十四年。從征叛鎮王輔臣。在平涼府陣亡。卹贈拖沙喇哈番世職。又有馬什泰者。雅母布立之四世孫也。雍正六年。以三等阿達哈哈番兼佐領。從征準噶爾。於十年七月。在烏孫珠兒地方。力戰陣亡。

賜祭葬如典禮。

哈慕嘉。滿洲鑲藍旗人。天聰二年。大兵證明圍錦州。哈慕嘉隨轄二十員往截敵路。至松山。遇敵騎兵十五人。斬一人。進圍杏山。松山。三敗敵衆。崇德六年。隨鄭親王濟爾哈朗圍錦州。克其外城。八月。松山馬兵犯我紅衣礮。往擊敗之。又隨大兵擊明軍門洪承疇三營步兵。奮勇勦殺。遂歿於陣。七年。追贈牛錄章京世職。本旗有覺羅布爾海者。亦以天聰五年。征明大凌河。擊明監軍道張春兵。身先士卒。力戰陣亡。卹贈備禦世職。

八旗通志 卷二百二十七
卓納滿洲鑲藍旗人。姓納蘭氏。世居哈達地方。
於

國初來歸。

太祖高皇帝以十五戶人編爲牛朶使統焉。

賜姓覺羅氏。天聰五年八月。從大兵征明大凌河。隨固
山額真篇古阿格圍錦州。我師四面進戰。城內
敵兵突出相拒。卓納身先衆軍奮擊陣亡。六年
正月。卹贈備禦世職。長子羅洛承襲。十年三月。
羅洛同英俄爾岱奉

命往朝鮮議正大名。卒於路。以次子席特庫襲職。崇德

元年。任吏部理事官。八年。以辦事有能。加半個

前程。順治元年十月。隨定國大將軍豫親王多

鐸南征。二年五月。大破僞田國公於洋子江。獲

船無算。復隨固山額真譚泰乘小船截賊歸路。

斬首千級。又乘夜奪取泊內賊船二十隻。次日

往攻泊內賊兵。大破之。又同哈寧阿追賊至富

池口。敗僞王副將兵。尋往守高塘口。三年議敘。

加世職爲三等甲喇章京。尋以疾卒。子三人。長

子車爾貝襲職。七年九年。三遇

恩詔。加至二等阿達哈哈番。又一拖沙喇哈番。次子碩

倫。順治六年。從征大同叛鎮姜瓖。攻左衛陣亡。事平。卹贈拖沙喇哈番世職。後車爾貝綠事革。去所得拜他喇布勒哈番。餘二等阿達哈哈番。又一拖沙喇哈番。與其弟龍什庫襲。併伊兄碩倫。一拖沙喇哈番。襲爲一等阿達哈哈番。康熙十四年。隨撫遠大將軍信郡王鄂札。征察哈爾布爾尼。在大魯地方。四敗賊兵。以功議敘。加一拖沙喇哈番。三十二年卒。仕至副都統。

輝蘭。滿洲鑲藍旗人。姓書舒覺羅氏。世居阿燕地方。天聰五年。從睿王多爾袞征明。攻大凌河。

擊明監軍道張春兵。隨燾殺入。大敗其衆。六年。從大兵征察哈爾入明邊。圍大同。畧五臺山一帶。攻土堡。先登克之。八年。復從口外入明邊。畧地。出邊時。同希爾根殿後。兩敗阿爾沙蘭之兵。崇德五年九月。從睿王多爾袞征明。敗杏山馬兵有功。六年八月。明松山兵犯我紅衣礮。同甲喇章京囊古擊却之。又從大兵擊明軍門洪承疇三營步兵。奮身直前殺入。旣出。復進擊。遂歿於陣。七年。追贈牛录章京世職。

艾賽。滿洲鑲藍旗人。姓納蘭氏。初任壯大。天聰

三年。從大兵征明至北京。斬敵將愛塔有功。五年。從睿王多爾袞征明。攻大凌河。連敗敵兵。復擊明監軍道張春兵。領燾殺入。力戰陣亡。八年。贈牛录章京世職。以其子霍色承襲。順治七年。九年。三遇。

恩詔。加至三等阿達哈哈番。兼一拖沙喇哈番。康熙四年八月。霍色從定西將軍圖海等征湖廣。在茅麓山破李來亨賊兵四千。十三年八月。從征逆藩耿精忠至江西。隨定南將軍希爾根。敗僞將軍李茂珠等於建昌府之鐘鼓山。十四年。隨侍

郎舒恕。敗賊於宜黃縣。十七年。隨鎮南將軍莽依圖進師廣東。至韶州府。逆藩吳三桂遣僞帥馬寶等分五路來攻。霍色隨莽依圖擊破之。又敗僞總兵姜熊於梓樹墟地方。十八年。至廣西。二月。隨莽依圖破僞將軍吳世琮於南寧。十九年六月。隨都統勒貝等。敗吳逆僞將軍范齊韓。詹仰等於柳州之陶屯。二十年。隨征南大將軍賴塔進雲南。征逆孽吳世璠。連破其將於黃草壩。歸化寺等處。二十五年。敘功。加世職爲二等阿達哈哈番。

八旗通志 卷三十一
達蘭滿洲鑲藍旗人。姓瓜爾佳氏。世居蘇完地方。崇德元年。從大兵征明。以軍功授半個前程。世職。二年。征朝鮮。奮勇登城。受傷而歿。卹贈牛泉章京世職。

噶布碩。滿洲鑲藍旗人。姓倉佳氏。世居松阿里河地方。崇德三年八月。隨揚威大將軍貝勒岳託。征明。攻靈壽縣。先衆登城。爲敵所傷。遂歿於陣。四年。議卹。贈牛泉章京世職。以其弟西奇納承襲。順治元年十月。西奇納從豫親王多鐸南征。至潼關。三敗流寇。二年。隨固山額真馬喇希

至崑山縣。擊敵兵破之。三年十一月。隨梅勒章京覺善。勦山東土賊。乘夜往擊。中流矢卒。六年。議卹。加贈一拖沙喇哈番。敦達禮者。噶布碩弟噶布喀之子也。康熙十八年二月。以七品官。從征逆孽吳世璠。至湖廣長沙府。僞將軍吳國貴等率賊拒敵。敦達禮身先士卒。力戰陣亡。二十五年。卹贈拖沙喇哈番世職。

吳達納。滿洲鑲藍旗人。姓鈕汪堅氏。世居輝發地方。初任擺牙喇甲喇章京。崇德三年。從睿王多爾袞。征明。攻寶坻縣。以第二人登城。克之。六

八旗通志 卷二百二十七
年。圍錦州。隨鄭親王濟爾哈朗。夜戰克其外城。
八年五月。隨貝勒阿巴泰。征明。擊敗其白總兵。
旋領兵攻薊州。身先士卒。力戰歿於陣。卹贈牛
泉章京世職。以其弟之子胡什屯承襲。胡什屯
初以戰功授半個前程世職。崇德八年。併襲伊
伯父之職。合爲牛泉章京兼半個前程。順治初
任湖廣荊州協領。有流寇攻陷應城縣。隨駐防
將軍噶爾漢率兵往援。三敗賊衆。陣斬僞副將
二員。守備三員。把總一員。兵二百餘。遂復其城。
敘功加世職爲三等阿達哈哈番。

覺羅噶思哈。滿洲鑲藍旗人。崇德四年十一月。
從曹海薩木什哈等征索倫部落。獲壯丁四十
人。又追逃叛噶凌阿。三與賊戰。遂歿於陣。五年。
加

恩卹贈遊擊世職。以其次子圖爾瑪承襲。順治七年九
年。三遇

恩詔。加至一等阿達哈哈番。兼一拖沙喇哈番。十五年
九月。任梅勒章京。從征僞桂王至貴州。十六年
七月。凱旋至江南。值海賊鄭成功陷鎮江。進逼
江寧。圖爾瑪同梅勒章京噶褚哈。會同本地官

八旗通志 卷二百二十七
兵擊敗之。獲船二十隻。十八年敘功。授三等阿
思哈尼哈番。旋卒。以叔父之子郎圖承襲。康熙
三十二年卒。子舒書始承襲。三十五年。隨撫遠
大將軍伯費揚古。征厄魯特噶爾丹。由西路進
兵。破賊於昭莫多。在事有功。次年議敘。加世職
爲一等阿思哈尼哈番。

穆鼐。滿洲鑲藍旗人。初任牛录章京。崇德四年。
同曹海。薩木什哈。征索倫部落。適敵兵圍海倫
村。我師突圍殺入。穆鼐以殿後力戰而歿。五年。
卹贈牛录章京世職。

東阿。滿洲鑲藍旗人。姓烏札喇氏。世居卦爾察
地方。崇德八年五月。隨奉命大將軍貝勒阿巴
泰。征明。至山東。攻館陶縣。首先登城。爲敵所殺。
卹贈牛录章京世職。以其子福拉塔襲職。康熙
十四年四月。福拉塔從征逆藩耿精忠。至江西。
隨署護軍統領伯朗素。勦賊於鄱陽湖。乘船勦
殺。中礮而歿。尋議卹。加贈一拖沙喇哈番。

羅多禮。滿洲鑲藍旗人。姓瓜爾佳氏。世居葉赫
尚陽堡地方。崇德八年。任理藩院員外郎。三年
考職。以辦事有能。授半個前程世職。順治七年

七月奉

命往甘肅招撫白帽賊。為賊所殺。生三子。以長子吳實襲職。累任至漢軍都統。次子諾穆齊。初任護軍校。委署叅領。康熙十四年。隨大兵征逆藩吳三桂。奮勇擊賊陣亡。尋議卹。贈拖沙喇哈番世職。第三子巴錫。累任雲貴總督。內轉戶部侍郎。圖爾哈圖。滿洲鑲藍旗人。崇德八年五月。隨奉命大將軍貝勒阿巴泰征明。攻定州城。奮勇先登。繼進無人。遂中傷而歿。尋敘卹。優贈牛錄章京世職。同旗有莽郭者。姓尼拉氏。世居葉赫地

方。順治元年四月。隨睿王多爾袞入山海關。擊流賊力戰陣亡。二年敘卹。優贈牛錄章京世職。倭合納。滿洲鑲藍旗人。初以戰功授半個前程世職。順治二年。隨征南大將軍貝勒勒克德渾征流寇。至湖廣常德府。敗賊有功。有偽安國公劉長晉在武岡州拒敵。倭合納隨梅勒章京卓羅往擊。攻其木城。力戰而歿。六年議卹。加贈一拖沙喇哈番。

阿南達。滿洲鑲藍旗人。世居敖漢地方。伊兄吳巴什。係敖漢地方貝子。崇德七年。自錦州來歸。

八旗通志 卷二百二十七
初授三等梅勒章京世職。順治七年遇

恩詔。加至二等阿思哈尼哈番。八年。阿南達之父圖霸襲職。九年兩遇。

恩詔。加至一等阿思哈尼哈番。兼一拖沙喇哈番。十二年卒。阿南達始襲父職。後併襲伊伯父瓦色之拜他喇布勒哈番。又一拖沙喇哈番。合爲一等精奇尼哈番。康熙十三年。阿南達從征逆藩耿精忠。至江西。以護軍叅領。署護軍統領事。後在新口費園地方。擊賊陣亡。二十五年敘卹。贈一拖沙喇哈番。

希富。滿洲鑲藍旗人。姓何舍禮氏。世居塔三普地方。初任護軍校。順治十八年十一月。從征僞桂王於雲南。隨定西將軍愛星阿。至緬甸阿媯城。獲僞桂王朱由榔。在事有功。康熙十三年三月。從征逆藩耿精忠。至浙江石塘石佛嶺等處。隨都統喇哈達。敗僞叅將鄭文鼎。僞總兵陳得功。十七年四月。復隨喇哈達。擊海寇僞將軍劉國軒於灣腰樹。刀戰陣亡。二十五年敘卹。贈拖沙喇哈番世職。

台弼圖。包衣鑲藍旗人。世居

八旗通志 卷一百三十一
盛京福申地方。初任護軍校。康熙十三年。

特旨授遊擊。遣往寧夏。隨征逆藩吳三桂。經畧莫洛。題授平樂營叅將。值僞總兵朱龍等圍清水營。台弼圖率衆往援。衝圍破賊陣。斬二百餘級。在鹽場堡地方。殺賊四百人。尋圍花馬池城。降其官兵。恢復城池。加級一次。後圍定邊城。大破賊衆。陣擒賊渠朱龍父子於沙家澗地方。克其城。招降僞遊擊李勲德。總兵陳獎等有功。加副將職銜。復在下馬關敗賊一次。恢復平原所。陣斬僞叅將陳起元。往援固原。敗賊於申家灣等處。率

衆斷賊糧道。斬殺甚衆。尋陞副將。十四年。從征王輔臣。在白虎臺地方。奮身接戰。力竭陣亡。尋議卹。

特恩賞銀一千一百兩。遣禮部官往奠茶酒。贈拖沙喇哈番世職。

阿哈尼堪。滿洲鑲藍旗人。姓趙佳氏。初任驍騎校。康熙十三年。從征逆藩吳三桂。至江西吉安府地方。兩敗賊兵。旋隨鎮南將軍莽依圖進廣東。至韶州府。擊僞將軍馬寶等五路賊兵。力戰陣亡。二十五年。敘卹。贈拖沙喇哈番世職。

松愛。滿洲鑲藍旗人。姓滿札氏。世居葉赫地方。初任護軍校。康熙十三年。從征逆藩耿精忠至江西。在建昌府四敗賊兵。十四年五月。隨定南將軍希爾根敗賊帥邵連登於長興。十五年二月。隨安親王岳樂征逆藩吳三桂。擊僞將軍夏國相等於萍鄉縣。中傷歿於陣。二十五年敘卹。贈拖沙喇哈番世職。

克禮。滿洲鑲藍旗人。初任驍騎校。康熙十三年。從征逆藩耿精忠至江西。三敗僞將軍朱勝等。十四年五月。逆藩吳三桂遣僞總兵朱俊聘據

鸞石嶺。克禮隨三等公倭赫破之。又敗賊於白水山。十五年十二月。隨副都統多諾敗吳逆僞都督郭應福於泰和縣之蘆源洞。十七年正月。隨護軍統領哈克山擊僞將軍韓大任於老虎洞。力戰陣亡。二十五年敘卹。贈拖沙喇哈番世職。同旗有郭里者。姓蒙古索氏。世居札馬必拉地方。初任護軍校。亦以康熙十三年。從征逆藩耿精忠至江西。與賊力戰。歿於陣。二十五年卹。贈拖沙喇哈番世職。

赫貝。滿洲鑲藍旗人。康熙十三年。以八品官。隨

定南將軍希爾根。征逆藩耿精忠至江西。三敗
僞羅都督之衆。師至饒州。復三敗僞陳參將水
陸賊兵。又連敗賊兵於弋陽縣。艾山等處。十五
年十二月。逆藩吳三桂。遣僞都督郭應福。於泰
和縣之蘆源洞拒戰。赫貝隨副都統多諾敗之。
十七年六月。僞帥馬寶等犯湖廣。永興。赫貝力
戰。受傷而歿。二十五年。敘卹。追贈拖沙喇哈番
世職。

糾渾柱。滿洲鑲藍旗人。初任驍騎校。康熙十三
年五月。隨前鋒統領穆占征逆藩吳三桂。由陝

西進四川。破僞總兵石存禮於朝天關。十四年
正月。隨鎮西將軍席卜臣等。敗賊於娘娘廟。張
飛廟。又敗僞將軍王屏藩等於槐樹驛。梅嶺。並
在事有功。進至龍潭驛。擊秦州援兵。先衆力戰。
遂歿於陣。十六年。卹贈拜他喇布勒哈番世職。
同旗有防禦奇蘭布護軍校葉木布者。並於是
役力戰陣亡。卹贈拜他喇布勒哈番世職。

卦塞。滿洲鑲藍旗人。初任前鋒校。康熙十三年。
從征逆藩耿精忠至浙江。敗僞吳總兵於蒲塘。
十七年。從副都統紀爾他布等。破海寇僞提督

八旗通志 卷三百二十一
吳淑等於福建石衛寨。十九年三月。從副都統鄂申巴圖魯擊海寇偽將軍劉國軒於海澄。力戰陣亡。二十五年。卹贈拖沙喇哈番世職。

胡圖。滿洲鑲藍旗人。姓瓜爾佳氏。初任驍騎校。康熙十三年三月。從征逆藩吳三桂。由陝西進四川。在野狐嶺。隨西安將軍瓦爾喀等。三敗賊兵。進復陽平關。十四年正月。往槐樹驛。接我運糧兵。遇賊截道。力戰陣亡。二十五年。卹贈拖沙喇哈番世職。

多哈。滿洲鑲藍旗人。姓趙佳氏。初任驍騎校。康熙十四年四月。從征逆藩耿精忠。至江西鄱陽湖岔口。隨都統朗素敗朱陳二賊。又隨定南將軍希爾根。擊賊帥邵連登於建昌之長興地方。力戰陣亡。二十五年。卹贈拖沙喇哈番世職。同旗有季本吉者。姓金氏。世居朝鮮地方。初任司庫。亦以康熙十四年三月。從撫遠大將軍多羅信郡王鄂札。征叛逆察哈爾布爾尼。在大魯地方。奮勇擊賊陣亡。卹贈拖沙喇哈番世職。

海蘭。滿洲鑲藍旗人。康熙十五年。以六品官。從征逆藩吳三桂。十七年。至湖南永興縣。偽將軍

八旗通志 卷三十一
馬寶。胡國柱等。率賊圍城。海蘭從都統伯宜理布等奮勇出戰。與宜理布同戰。歿於陣。二十五年。卹贈拖沙喇哈番世職。

科賚。滿洲鑲藍旗人。姓覺羅氏。世居葉赫地方。伊父韋泰色。任分得撥什庫。崇德間從征。明攻薊州城。陣亡。康熙十五年。科賚由五品官署叅領。隨定遠平寇大將軍安親王岳樂。征逆藩吳三桂。至湖廣。攻長沙府。在平江臺奮勇擊賊。遂歿於陣。卹贈拖沙喇哈番世職。同旗有海保者。姓商佳氏。世居鄂河地方。康熙十五年六月。以

護軍校。從撫遠大將軍圖海。征叛鎮王輔臣。至陝西平涼。擊輔臣子王繼正。力戰陣亡。二十五年。卹贈拖沙喇哈番世職。

立固。滿洲鑲藍旗人。姓納蘭氏。世居輝發地方。初襲拖沙喇哈番世職。任護軍叅領。康熙十五年。從征逆藩吳三桂。至湖廣。攻長沙府。力戰陣亡。二十五年。議卹。加贈世職。爲拜他喇布勒哈番。本旗有車爾圖者。亦以是役力戰陣亡。得授拖沙喇哈番世職。又有蘇爾丹者。姓納蘭氏。世居葉赫地方。初任八品筆帖式。康熙十七年。從

八旗通志 卷二百二十七
征逆藩吳三桂。至湖廣。在湘陰縣擊賊陣亡。二十五年。卹贈拖沙喇哈番世職。

地藏保。滿洲鑲藍旗人。初任甲喇章京。康熙二十年。在四川永寧衛防守。吳逆僞將軍馬寶來攻。勢孤城陷。被執不屈。被害。二十五年。卹贈拖沙喇哈番世職。同旗有辛柱者。以從征逆藩吳三桂。至四川守永寧城。康熙二十年。賊帥馬寶陷永寧。辛柱被執。與地藏保俱不屈被害。事

聞。卹贈拜他喇布勒哈番世職。同旗又有名辛柱者。姓納蘭氏。世居葉赫地方。康熙十三年。以五品官

奉

命遷移逆藩吳三桂家口。至貴州安順府。三桂反。提督李本深從逆。辛柱爲本深所執不屈死。二十年四月。喪至京師。

賜祭葬如典禮。卹贈拜他喇布勒哈番世職。

薩齊渾。滿洲鑲藍旗人。姓何舍里氏。世居哈達地方。初任驍騎校。康熙十四年。從征逆藩吳三桂。至陝西蟠龍山。擊賊陣亡。卹贈拖沙喇哈番世職。又有同旗名淮色者。亦以是役力戰陣亡。卹贈拖沙喇哈番世職。

朱神保。滿洲鑲藍旗人。姓博爾君氏。世居厄魯特地方。初任佐領。康熙二十九年八月。隨撫遠大將軍裕親王福全。征厄魯特噶爾丹。至烏闌布通。奮勇擊賊。遂歿於陣。三十年。卹贈拖沙喇哈番。世職。是役也。同旗有護軍校阿爾泰者。亦以是役力戰陣亡。卹贈拖沙喇哈番。世職。

噶林。滿洲鑲藍旗人。世居佟佳地方。以地爲氏。初任護軍參領。康熙三十五年八月。隨撫遠大將軍伯費揚古。征厄魯特噶爾丹。在昭莫多地方。奮勇擊賊陣亡。三十六年。卹贈拖沙喇哈番。

世職。同旗有護軍校索倫。署護軍校雅蘭泰。並以是役力戰陣亡。卹贈拖沙喇哈番。世職。

薩蘭泰。滿洲鑲藍旗人。姓何舍里氏。世居葉赫地方。康熙三十五年。隨撫遠大將軍伯費揚古。往征厄魯特噶爾丹。在昭莫多地方。擊賊陣亡。卹贈七品官。

赫達色。滿洲鑲藍旗人。姓覺羅氏。世居胡爾哈地方。雍正七年。以副護軍參領。從靖邊大將軍公傅爾丹。由北路進剿準噶爾。九年六月。在和通胡爾哈諾爾地方。與賊遇。赫達色奮不顧身。

八旗通志 卷二百三十一
力戰歿於陣。卹贈拖沙喇哈番世職。同旗有前鋒校元寶。驍騎校孫泰者。並於是役力戰陣亡。卹贈拖沙喇哈番世職。

常保滿洲鑲藍旗人。姓何舍里氏。世居葉赫地方。雍正七年。以前鋒侍衛從靖邊大將軍公傅爾丹進征準噶爾。九年六月。至和通胡爾哈諾爾地方。與賊力戰。歿於陣。卹贈拖沙喇哈番世職。是役也。有護軍校阿爾布驍騎校拔士者。亦由北路進征。力戰陣亡。卹贈拖沙喇哈番世職。德壽滿洲鑲藍旗人。姓覺羅氏。世居尼雅爾哈

哈達地方。雍正七年。以前鋒校從靖邊大將軍公傅爾丹征準噶爾。九年。於鄂爾昆地方。與賊力戰。歿於陣。卹贈拖沙喇哈番世職。同旗有護軍校賽必圖者。由阿爾泰戍兵進剿。於烏孫珠兒地方。力戰陣亡。

卷之五